




吏部等衙門謹

題為遵

旨議覆事乾隆十八年六月初五日內閣奉

上諭守令以親民為職務必其與民相浹洽然後能勸農桑興教化非謂簿書期會無悞即云勝任也邇來守土之官不過奉行教令于錢穀刑名是較督撫以此課有司部院以此課督撫更或拘牽文義毛舉瑣細徃去駁詰案牘茲繁議者至謂地方有司救過不暇奚能留心民生休戚斯言近是然一再更張將無藉口優游其不留心民生休戚如故則何以別有司賢否乎然身牘繁滋亦非敷政之要務也應何如酌歸簡易俾庶政不病瑣屑而親民者有教養之實及民則得矣其令九卿科道直隸總督及督撫因事在京



者詳悉定議以聞欽此 臣等遵

議覆各衙門現行事例有無關輕重可以裁歸簡易之處在內令各部院詳悉叅酌將應刪條款交主稿衙門彙齊會同九卿科道詳議具奏至各省辦理事件情形不一或有繁碎難行應行酌改者亦令各該督撫詳志叅酌分別條款具題請

初令該管衙門查核彙主稿衙門會同九卿科道妥議具奏等因奉旨依議欽此欽遵除在內各衙門應刪條款業經會同查核具題在案隨行文各省督撫遵照辦理後今據各省督撫將酌歸簡易事件分別條款具題到部吏部本門應議條款分送該管各衙門查核咨送主稿衙門彙齊會議 臣等公同商核逐條叅酌其中有無關輕重繁碎難行者均應如各該督撫所請裁省以歸簡易其有

事關緊要未便刪改者乃令各該督撫照舊辦理至各省所請事件有事屬相同而別省中重複凡題有事可通行而別省中未經題請者 臣等彙齊查核均令各省查照議准條款畫一辦理其各省情形不同或有不能照依別省一體辦理者令該督撫另行咨明該管衙門定議辦理謹將議准議駁事宜臚列條款另繕清單 恭

呈

御覽候

下之日行文內外各衙門遵照辦理再查此案各省督撫尚有陸續咨送到部者嗣後請令該管衙門自行查核定議酌量分別題咨辦理此本係吏部主稿合併聲明 等未敢擅便謹

因於乾隆二十年五月初九日題本月十五日奉

依議欽此

吏部議覆條欵

一 據河南巡撫蔣 疏稱已經截取之候選人員遇有事故起復有
關銓選俱應專文報部至於進士舉人未經截取者銓選無期似
應改單報爲季報又據陞任山東巡撫楊 疏稱候選教職人員
已經驗過及截取應選者遇有事故俱係隨到隨報至未經驗看
與未截取留驗看之員原不_入於選班次遇有事故請按季彙報
又據調任山西巡撫胡 疏稱在籍有職人員及舉貢監生病故
列由地方官詳報如係已經截取有關銓政單咨報部其選授無

期以及未考職之舉貢監生按季彙報內准候選教職免其取結
餘俱取具地鄰親族甘結地方官加結申送例不畫一嗣後前項
候選人員舉貢監生病故應照_例選教職之例槩免取結又據湖
廣總督開 疏稱捐考州同以下職銜既非頂選有未捐先用卽
用者遇有丁憂服滿事故應請於年底彙造總冊送部無庸按季
取結造冊咨部如遇病故仍追原照按季彙送又據原任湖南巡
撫范 疏稱未經驗看之恩拔歲副貢生丁憂起復專詳單咨病
故者按月造報事屬兩岐應請將丁憂起復及病故者酌爲按季彙
報又據原任湖南巡撫范 疏稱捐納職銜貢監生及未經截取
之考職吏攢或屬虛銜或候選無期丁憂事故止令呈明該管州
縣申報院司道府存案毋庸取結造冊送部如遇病故仍追原照

季彙送又據原任甘肅巡撫鄂 疏稱未經截取考職之舉人貢生遇有丁憂服闋病故嗣後應令各州縣統于年底彙報咨部又據陞任廣東巡撫蘓 疏稱未經截取貢監生候選州同以下等官丁憂起復病故例應造冊同結送部今進士舉人未經截取者遇有丁憂起復病故統歸考職貢監季報案內彙同造冊并結送部等語 除已經截取之進士舉人教職貢監考職并捐納即用先用以及已經截取之吏攢等項均係應行銓選之員遇有丁憂起復病故斥革等項事故仍應專文隨時咨報外其未經截取驗看之進士舉人教職考職貢監吏攢以及指職人員俱無關銓選應統于年底彙造總冊送部查核從前按季造冊取結送部之處概行停止其凡有甫經截取人員各省督撫于奉文之後遇有

各項事故亦即隨到隨報以便查核此內有斥革病故者原領執照亦應追繳統于年底送部查銷

據調任山西巡撫胡 疏稱道州縣佐雜事實造送兩司轉呈督

撫存案原以保舉賢能遇有揀選以便按冊而稽惟是外省官員考

績之法或于因公謁見之時察其言詞觀其舉動或于辦理之際

審其識見別其勤惰或于巡歷之時視其政事是否與舉民生有

無起色自足以辨賢否而分黜陟何必按季造冊請嗣後將各員

政績是實按季造送之例竟行停止責令道府直隸州將所屬正

印佐雜時時察訪查核果有才守兼優政績卓越之員不時開具

咨摺稟送督撫兩司查核督撫兩司仍親行訪密確實遇有陞調

缺之時公同揀選補授又據雲南巡撫愛 疏稱道府州縣等

政績令各員自行造冊四季送藩臬兩司核轉督撫存案佐雜等官照州縣之例將任內政績令該管州縣造送該管道府核轉藩臬兩司呈送督撫存案查屬員賢否上司自應不時訪察隨時考驗原無俟揀選之時始行查考若卽以爲定評轉致循名失實按季造報政績清冊應請刪除又據貴州巡撫定疏稱州縣政績責令該管知府按季造冊加考送本道核轉府州事實責令本道轉造道員事實責令兩司轉造送督撫存案又佐雜等官將政績令該管州縣按季造冊送道府轉送藩臬兩司送督撫存案立法未嘗不善但屬員之優劣每可出于季報事考之外者上司不時考察原可舉劾並行倘就季冊爲憑又恐姦媮不實應請停止等語查屬員賢否自應督撫不時訪察隨時考驗原不得以造

送事實冊爲准其四季造具事實清冊申送督撫存案之處應准其刪除其正印佐雜內果有才具優長政績卓越者准道府直隸州隨時稟送督撫以憑揀擇督撫仍親行訪察遇有缺出秉公揀選補用

據湖廣總督開疏稱成效事件應將

上諭及條陳事件換順年月逐一彙叙併爲一案具題其疏首向係裝叙節次部咨殊覺繁冗查乾隆十一年閏三月內詳議具奏事部文已屬詳晰應止將此文裝叙疏首又據原任廣西巡撫李疏稱成效事件無論是否有關教養之事俱全行叙入疏首竊思題報成效原爲教養斯民而設應請嗣後題奏成效事件祇將奉行教養百姓及有關吏治民生之事有無成效及現雖奉行一時未

能見效之處逐條登答其餘一切更定章程增減條例以及通行遵照之事俱不必叙入等語 查成效事件

一論及條陳應准其併爲一案具題其無關教養併一切更定章程增減條例以及通行遵照之事均無庸叙入

一據直隸總督方 咨稱省會首縣在城督撫司道衙門無論有事無事必須一到以致辦公無暇應申嚴禁令除上司傳見并有事面陳准隨時進謁外其每日上衙門之舊規永行禁上毋許復蹈前轍又據四川總督黃 疏稱督撫上司到任凡在屬員理應謁見至一應令節生辰不許趨賀人經停止其附府附省下屬有公事稟陳許其謁見至逢五逢十上衙門稟揖應行停止等語應如各該督等所請永行停止

一據江蘇巡撫蔣 疏稱盜案全獲並無處分且邀議叙向來仍恭疏防實屬無謂嗣後疏防盜犯限內全獲之案於成招時將應行免叅緣由聲明仍附議叙又據陞任山東巡撫楊 疏稱盜劫之案未經獲賊及雖經破案尚未全獲者仍扣限查叅外如一案內首犯夥賊于疏防限內全行緝獲者免其題叅疏防俟審解時將限內全獲盜犯免叅疏防緣由于詳尾聲明又據河南巡撫蔣 疏稱道路村莊被盜疏防限內盜未弋獲或雖獲而尚未過半並盜首窩線未獲者仍依限扣叅外如獲半之內兼獲盜首窩線卽令扣限審解不必揭叅疏防仍將免議緣由于招內聲明又據原任湖南巡撫范 疏稱盜劫之案未經獲盜及獲盜過半盜首窩線未獲扣限查叅外其有全獲盜犯或盜犯過半兼獲盜首訛無窩

緣例得議叙免議一槩毋庸開叅統于審題案內聲叙等語 應如各該撫等所請免叅以歸簡易

據江蘇巡撫莊 調任安徽巡撫衛 疏稱定例題咨銀米等案繕寫舛錯總撒不符等項悉行更正辦理毋庸駁詰等因各省自應做照凡有冊結不符者卽改正發回照繕申送仍將本案依限題咨聲明冊結換送補咨等語 應如所請嗣後州縣造具冊結不合式者該管上司卽行改正發回另繕應題咨者依限題咨卽催令將冊結更換補咨惟刑部承辦贓罰等項必須冊籍查核方可辦理嗣後刑部題咨案件仍照舊辦理

據河南巡撫蔣 疏稱題咨案件嗣後除初奉到條例仍以前准部文裝首外如已經列入例冊者止將例文裝首不必裝叙原案該撫等所請辦理

又據原護江西巡撫王 疏稱向來題咨覆過事件俱全裝原准部文請嗣後止摘叙緊要情節毋庸全裝原准部行等語 應如該撫等所請辦理

據調任山西巡撫胡 疏稱如有事件難結展限者仍將已未完結緣由按季咨報外如無難結展限事件卽于年底彙咨又據河南巡撫蔣 疏稱各省各項並無難結事件應行入冊將文武各衙門按季造冊咨報各部院之處槩行停止等語 應如山西巡撫所請嗣後如有事件實在難結應行展限者照例辦理外如無難結事件但于年底彙報毋庸按季造送其河南巡撫所請停止按季造報之處應毋庸議

康陸任山東巡撫楊 疏稱州縣收用長隨按季造具冊結申報

各上司存案查州縣所用長隨如有作奸犯科一經訪聞立時可以提究其按季造具冊結申報之處應請停止又據原任甘肅巡撫鄂 疏稱州縣收用長隨到任三月內造冊分送上司或自行回籍及驅逐者亦即具由申報該上司按季出具並無冊報不實印結申送存案查州縣到任後既將收用長隨冊報辭回驅逐又印申報似屬周詳所有按季冊報仍請裁減等語 應將州縣收用長隨按季造報之處准其停止但舊用長隨既于到任後三月內造報其續經新用長隨亦宜將姓名籍貫來歷并派何執事隨時報明以便查核如遺漏不報亦照遺漏造冊例查議

據江蘇巡撫莊 調任安徽巡撫衙 疏稱在籍候補候選官員呈報丁憂照例取結加結由府申司詳院咨部應請嗣後照現任官員父母在籍病故之例限一月內令該管州縣確查取結加結徑詳撫院核咨只于文內叙明履歷各供結頒式填用將長詳批司前項人員病故令州縣亦一體徑報辦理等語 應如所請辦理

據奉天府府尹鄂 疏稱未經考職吏攢奉有兩考不到除名之例若不將丁憂事故先行取結報部將來補考無憑稽察但此項吏攢無關銓選應該為年終彙報又據直隸總督方 咨稱書吏年貌例應季報查書吏着役之時即有年貌籍貫造送已可按冊稽查毋庸再行季造又據河南巡撫蔣 疏稱吏攢着役日期俱係年終彙造總冊咨部獨事故按季彙報查告退病故革役等事報部稍緩無關銓選又無妨于考試按季造冊請于年終彙造

花名總冊咨部又據陸任廣東巡撫蕪 疏稱吏攢着役日期年
貌籍貫及病故緣事統於按季造報年底無庸重造等語 查書
吏着役日期及斥革事故向有單咨者亦有季報者未經畫一應
令各該省將所屬書吏着役日期年貌籍貫及病故丁憂等事故
彙造總冊統于年底報部一次無庸按季造報

一 據湖廣總督開 原任湖南巡撫范 疏稱役滿吏攢起送考試
向例取具該吏親供鄰里戶族押結同役互結地方官印結由府
加結併取本官保結造具年貫清冊賣司彙冊詳送考試應請將
知府加結併本官造冊同役具結三項刪除嗣後止令本吏出具
親供戶鄰押結地方官加結並取本官保結徑申賣司查照親供
丙年貌籍貫冊送考至吏攢承充著役各結亦毋庸由管轄知

府加結核轉等語 應如所請准其減省

一 據湖廣總督開 原任湖南巡撫范 疏稱選補吏攢五年內著
役役滿日期每年歲底彙造總冊由藩司具詳撫臣暨督臣咨部
查此項冊籍既經撫臣咨部督臣又復咨部之處實屬重複應請
歲底止造一本呈送督臣備案其送部一本似應減除等語 應
如所請准其減除

一 據四川總督黃 疏稱上司飭發條告禁約每件飭取遵依查取
貼過處所實為繁冗以後止令州縣實力奉行毋庸逐案申覆等
語 應如所請免其逐案申覆

據直隸總督方 咨稱官員履歷籍貫內部均有檔案可稽向
來行查廢員告假事故各員均不開明本人所住地方勢必通行

各屬查覆嗣後請將該員係何州縣人之處於咨內聲明指明以免通查如有寄籍鄰邑或逗遛他方俟原籍查無其人再為通行各屬查報等語 查文武官員無論現任候補理應開明履歷籍貫倘有事故易於查核今現任文武各官嗣後造送季報冊內飭令詳開履歷籍貫住址至候補候選各項人員于起送赴選文內亦開明履歷籍貫住址併聲明有無寄籍以憑稽考遇有事故免致輾轉行查

二 據直隸總督方

咨稱教養民生之事如學校鄉約農田水利

義倉保甲諸政均宜實力奉行 牧令中賢否不一每有藉口事繁漠不經心至三年造報有無成效僅以抄襲雷同空文塞責者今既省其案牘之繁自宜責以奉行之實如學校則察其師範是

否克端士習是 否能正鄉約則察其宣講作何開導糾察作何勸懲農田則察其樹藝是 否蕃滋男婦是 否勤力水利則察其所濬河渠得脩何地之旱澇所築何地足禦何水之漫衍義倉則察其歲輸是 否克裕出納是 否公平至保甲為戢奸之要務尤必察其案件是 否稀少行旅是 否無虞門牌是 否更新書役是 否無弊每年道府按巡以考其殿最三年考課條舉實績申報治行卓越者舉之因循廢弛者罷斥毋少寬貸如此則州縣無紛擾之虞而有難寬之責自必爭相淬厲殫力圖功以冀考成之克副矣等語 應如所請嗣後州縣奉行事件如學校鄉約農田水利義倉保甲諸政務宜按其實績詳加察核每年道府按巡稽查申報督撫詳記檔案俟三年考課逐款註明造報分別勸懲以收實效

一 據江蘓巡撫莊 疏稱

黜陟人員例應督撫公同考核會疏具題江蘓向例督撫各自題達嗣後應請聯銜會題無庸各自入告等語 應如所請嗣後令各督撫聯銜會題無庸各自題達

一 據江蘓巡撫莊 疏稱向例

大計將各屬收放錢糧開造簡明冊送部查核但今另頒大冊各官經管錢糧已於大冊內填明管收除在四柱各數彙入考核冊內送部則簡明一冊應請免造等語 應如所請辦理

一 據江蘓巡撫莊 疏稱二年之內將別汎盜賊拿獲十五名者專管官加一級查獲三十名者兼轄官加一級專管官拿獲三十名者兼轄官查獲五十名者俸滿卽陞如妄拿良民照誣拏良民例

處分定例以來各屬拿獲盜賊能滿所定名數請叙者實屬罕見不過待至二年繕咨一覆應請停止嗣後如獲別汎盜賊或誣良者總於本案聲叙辦理等語 應如所請二年後按名查議之例准其停止

一 據調任山西巡撫胡 疏稱舉貢監生有職應選人員例係奉部截取具地方官冊結呈送驗係年力精壯方准給咨赴選如果年老有疾不能赴選亦卽隨時咨報無待歲底今歲底彙報之文率以所屬內並無年老有疾不能赴選之員無憑開造登覆實屬具文應行停止等語 應如所請年老不能赴選歲底彙報准其停止

據河南巡撫蔣 疏稱嗣後州縣拿獲賭具議叙一年內院司所

屬果無別項失察將院司職名開報如院司雖有失察而道府州所屬果無別項失察將道府州職名開報如別道府州所屬或有失察者無庸開報倘一年內各上司俱有失察均無庸造冊送部只將緣由咨明等語 應如所請辦理

一 據河南巡撫蔣 疏稱承審續獲盜犯各省亦扣限十個月完結州縣因限期寬展任意遲延請照命案例六個月審結分限結審之處亦與命案一體扣展其餘一切案件如原限四個月已屬緊嚴雖有定案後續獲人犯者未便再減惟命案既經題咨之後倘有續獲人犯與盜案事同一例請將六個月者扣限四個月審結其分限結審之處亦照四個月案件一體扣限等語 應如所請嗣後續獲盜犯止照命案例扣限六個月審結續獲命犯止扣限

四個月審結共六分限接審之處俱照例分別扣算

一 據陞任浙江巡撫覺羅雅 疏稱命盜案內脫逃首犯向例年流造冊具題彙叅嗣後有應行議及者仍行具題彙叅如無應叅之案止須咨部備案等語 查命盜並無應叅之案照常題報未免過繁應如所請止用咨文備查

一 據調任福建巡撫陳 疏稱大小文武官員及候補候選員弁遇有病故取具醫生甘結但既取有地方官印結病故已無虛捏若再取醫生結狀徒滋指勒應請議裁等語 應如所請醫生結狀准其裁減至候補候選人員病故取結之處據調任山西巡撫胡 題請停止現在准行應毋庸再議

據原任湖南巡撫范 疏稱教職選授時考列一二等者將所填

才語例于年底將等第彙冊題達其考試一二等考語冊先行詳咨之處事屬重複應將考試一二等考語先行送部之冊免造統于年底彙冊題達等語 應如所請教職考試一二等考語免其先行詳咨

一據原任湖南巡撫范 疏稱文武大小各官履歷司中按季彙造總冊分送督撫分咨送部查此項冊籍既經撫臣送部有案所有督臣咨部之處事屬重複請嗣後飭令每季止須開造一本呈送督臣備案其送部一本似應減除等語 應如所請文職各官履歷冊毋庸督臣再行造送

一據原任湖南巡撫范 疏稱選文吏攢各項補印甘結每于年底彙詳督臣咨部查此項印甘結先于撫臣給照時已經按名將印底每名止須一套呈賚督臣備案其每名送部印甘結一套請刪除等語 應如所請准其減除

據原任甘肅巡撫鄂 疏稱州縣承辦地方事件例應地方官出結者多有不合往返駁更有干遲逾嗣後遇有出結事件由司擬定結式頒發飭令照樣填送俾州縣知所適從等語 應如所請嗣後各省州縣遇有出結事件准其由司頒發結式俾州縣照樣填送

一據陸任廣東巡撫蕪 疏稱題陸調補官員任內所有叅罰俱于疏內聲明以憑定議粵東辦理無論有無議處凡經附叅之案俱皆聲叙似應酌量變通凡有叅罰議處之案俱仍詳悉聲明其餘

一切奉行寬免及已經題咨開復等案無庸叙入等語 查各省陸調官員任內有叅處未准部覆之案仍應詳悉聲叙其餘一切奉行寬免及已經題咨開復等案免其叙入

據陸任廣東巡撫蕪 咨稱到任官員每月彙報一次其中有即行陞用者上月到任之官務于次月咨報以憑陞用查雷州瓊州廉州三府距省更遠似難依限報到查瓊屬事件例限四月者展限兩月例限一月者展限一月今到任官員應比照於定限一月之外展限一月至雷廉二府應請于一月之外展限半月倘有上月下旬到任至下月下旬到司 逾彙報之期即彙入再下一月亦為限內等語 查咨報各官到任瓊州府准其展限一月雷州廉州二府准其展限半月上月下旬到任各官亦准其彙入再下

一月詳報

一據陸任廣東巡撫蕪 疏稱州縣官設立門簿凡有貢監生出入衙門逐一填註每月申繳督撫 政查核實屬具文似應刪裁等語 應如所請准其刪裁

戶部議覆條款

一據直隸總督方 咨稱舖司花名驛遞夫役花名例應季報查舖司及驛遞夫役惟于頂充時開報花名存案不必每季冊報又據江蕪巡撫莊 疏稱舖兵飭取花名原恐州縣將年力衰邁之人承充故令造冊稽查然舖兵年力衰邁該管衙門隨時革換至于工食亦有定額按季支給每年於奏銷案內造報銷算已明所有上例取送花名工食二冊實屬具文應請免造又據調任安徽巡

定西歸簡易修纂
撫衛 疏稱州縣留支各項工食槩不造報年貌亦不季報俱係
奏銷時將支給數目造送核轉其舖司兵工食年貌事同一例應
請免造季報于奏銷時同留支俸工等項一體造報請銷又據河
南巡撫蔣 疏稱各項衙役俱有工食歷來俱令各州縣照數給
發並不造報花名細冊獨民壯工食俱令按季造報花名無裨實
政應請裁減又據河南巡撫蔣 疏稱別項人役支領工食並未
造具冊結按季彙送舖司工食事同一例乃獨按季造報實屬繁
冗應請將舖司工食按季造報花名細冊及年底彙造冊結送部
查核之處概行刪除又據陞任浙江巡撫覺羅雅 疏稱各屬交
給舖兵工食飭取各屬每季支給工食日期花名年貌造冊按季
詳咨但支給銀數已于題銷冊內彙報查核今復按季造報冊籍

繁瑣應請將季報改為歲報又據調任福建巡撫陳 疏稱設立舖
司兵資其遞送公文給與工食按季由州縣造冊送司轉造送部
實屬滋繁應請于奏銷時彙行造冊送部毋庸分季查造又據湖
廣總督開 疏稱舖司工食地方官果有虛冒扣剋立當題叅奉
有嚴例况支給別項工食均無按季造送花名之例應請將舖司
花名工食概免按季造冊止於奏銷時各令出具切實印結送部
又據原任湖南巡撫范 疏稱各屬支給工食款項不一均無按
季造送花名之例舖司事屬相同每季按例取結造冊實屬虛文
應請概免造冊于奏銷時各令出具切實印結詳咨送部又據原
任甘肅巡撫鄂 疏稱民壯工食例應按季會同營員具結舖司
工食例應按季造具散給花名冊咨部查民壯舖司與皂役等同

屬在官人役皂快等役無按季具結造冊之事所有民壯舖司等
工食亦應於每年奏冊開造無庸按季結報又據原任廣東巡撫
蘇 疏稱各屬舖司兵丁花名支給工食按季造冊咨送一案查
舖兵工食通年按季造具實支數目冊詳繳送部請嗣後減至歲
底彙造一次毋庸按季造報又據原任廣西巡撫李 疏稱舖司
工食按月給發仍將花名並給過工食按季造具冊結送部查核
實覺紛繁請嗣後各屬舖司工食冊結停止按季造冊又據雲南
巡撫愛 疏稱各衙門設立人役甚多額給工食銀兩俱係照數
支給按季造冊報銷惟舖司一項則有按季造具花名清冊具結
呈報詳咨似屬無益應請刪除又據貴州巡撫定 疏稱各項工
食如民壯皂役以及孤貧囚糧等項州縣支放均于年底彙冊報

銷獨舖司一項按季取造冊結送部亦覺案牘繁滋請嗣後舖司
工食冊結停止季報仍責成該管府道嚴行稽查倘有虛冒扣剋
卽行報叅年底彙冊請銷等語 應如該督等所請嗣後民壯舖
司工食免其按季造送花名冊仍于年底奏銷案內彙冊請銷如
有虛冒扣剋等弊令該管上司查出卽行題叅

一 據江蘇巡撫莊 疏稱牙典田房等項雜稅已據各屬按季造有
花名銀數季冊可備稽核年底細冊似可毋庸重複開造應于奏
銷時止令將一歲徵收總數開造四柱總冊送司核造奏銷所有
雜稅細冊應請刪除又據調任安徽巡撫衛 疏稱契稅牙稅等
項向將花名銀數四季造報其催徵數目原可按季清查復于奏
銷時將四季造送花名銀數又逐細造報似屬重複請嗣後奏銷

甲只將每季收銀若干四季收銀若干造一總數冊申報與季冊相對其奏銷時不必另造花名銀數細冊等語 應如該撫等所請辦理

一 據江蘇巡撫莊 調任安徽巡撫衛 疏稱奏銷錢糧尾欠俱應報叅但或係科算稍訛或係州縣經胥不諳漏造究非催徵不力向來多有叅後續完趕報免議又有已經議處卽須具題開復殊繁案牘請嗣後凡未完在數兩以內者立即催提完解免其例叅等語 應如所請錢糧未完在數兩以內者立即催提完解至催提後仍未完解仍令按未完分數扣限報叅

一 據河南巡撫蔣 疏稱豫省紳衿本身田地俱係與民一例當差並無詭寄錢糧等弊今每歲通行取結事屬繁瑣請嗣後令各地

方官不時稽察每歲取結送部之處應請停止又據陞任浙江巡撫覺羅雅 疏稱浙省丁攤地畝順莊以後民無差徭無庸詭寄紳衿貢監生戶下亦無欺隱包攬之弊所有詭寄田糧年底取結報部似屬虛文應請刪減又據原護江西巡撫王 疏稱江省紳衿丁糧編入民甲一例當差仍令州縣於歲底出具並無容隱印結送部今丁銀已攤入通省地糧內帶徵並無紳民之別此案印結原屬繁文應免造送又據調任福建巡撫陳 疏稱地畝詭寄紳衿戶下定限退歸業戶年底取具州縣印結送部查聞省紳衿丁銀與民一體完納並無另有優免徭役且糧有定額無從詭寄欺隱故令出結取結各部徒屬具文似宜裁省又據湖廣總督開 調任湖南巡撫范 疏稱湖廣丁銀已經隨糧攤徵各屬應徵

定西歸備身修矣
在賦無論民官紳衿俱將應徵條餉徭賦悉照田地科則照額徵解無從詭寄乃每年仍行查取無紳衿人等隱受詭寄地畝印結彙行咨送徒繁案牘應請裁刪等語 應如該撫等所請准其刪除

一 據湖廣總督開 原任湖南巡撫范 疏稱紳衿抗欠錢糧奉有嚴例而經徵各官亦例有處分果係紳衿抗欠自卽照例指名請叅地方官豈肯代受例議如並無紳衿抗糧取結亦屬虛文請嗣後遇有紳衿抗糧責成該管印官照例開報轉詳請叅無庸按年取結詳咨等語 應如該督等所請准其刪除

二 據湖廣總督開 原任湖南巡撫范 疏稱隨漕淺船併奉裁衛所歸併州縣電三安家閑丁銀兩以及支解起運等項數目每年

俱係按欵各造奏冊照例隔年詳請總漕衙門核題又遵僱運糧儲事部行逐項另造清冊於奏銷前先行送部但湖廣各府州縣額徵起運細數以及衛所軍三尖家等項錢糧既於銀糧奏銷冊內脩晰開造所有僱運糧儲事銀米欵冊應請免其重報等語查額徵漕糧項俱由奏銷冊內脩悉開造報部其於奏前送核僱運糧儲銀米欵冊卽係奏冊內所有之數自可無庸造報

一 據湖廣總督開 原任湖南巡撫范 疏稱每年年底造送民數穀數案內送部倉穀清冊內一冊開造實存簡明穀數一冊開造管收除在四柱清冊查原准部文令各省每歲仲冬將戶口確數併各項倉穀實數繕摺奏

一 故民數冊內祇造實存黃冊清冊並未另開四柱冊雖穀數有

洞糶除收之分民數亦有故絕新增之項其各數實存簡明冊內俱有減糶之數與四柱冊內數目相同則從前所造穀數四柱冊實屬重複應請刪除等語 應如該督等所請辦理

據奉天府府戶部 疏稱州縣出結倉糧向例將領借花名造冊呈送查出借倉糧戶部及臣衙門不過核其總綱况州縣於出借事竣亦必具結送咨此項清冊無關緊要應請酌減又據直隸總督方 咨稱州縣出借倉糧內部相隔遙遠縱有花名清冊不能辨其真偽且至秋後還倉此冊即成廢物似應免其開造止將出借倉糧總數報部又據調任山西巡撫胡 疏稱倉穀春月出借秋後收還為期不遠嗣後令各州縣將借過人戶造具花名細數同各戶借領存案該州縣止將出借總數造冊同還不足數願甘

賠補印結報部其出借花名清冊概免造送再出糶倉糧事同一例亦止取糶過穀石價值數目冊籍報部其日逐出糶細數亦毋庸條列等語 應如該府戶等所請花名細冊准其刪除至彙報總數應令于出借時一面報部還倉後仍行咨報其出糶倉糧日逐出糶細數亦免其條列

據直隸總督方 咨稱州縣支發囚糧及應付口糧廩給支用夫馬工料並徵收錢糧倉穀等項皆於月報之外復有季報查支發囚糧及應付口糧廩給支用夫馬工料悉係於每年奏銷冊內開入管收除在送部查核原可按籍而稽至徵收各項錢糧例自開徵之日按旬摺報考核已極詳密均可毋庸按季重複冊報又據任甘肅巡撫鄂 疏稱州縣倉庫一切正雜錢糧日逐收支實

各數向有循環二簿齎司又有月報季報以備稽查伏查循環簿內臚例收支數目循去環來易于查核應令州縣將倉庫正雜錢糧按月申實循環二簿仍按季冊報查考所有月報冊刪除免造等語 應如直隸總督所請免其按季造報其甘肅巡撫亦應畫一辦理至向無月報各案應仍令各屬按季造報以便稽查

據奉天府府尹鄂 疏稱平糶糧石向例于出糶事竣將糶過糧石及價值各數造具冊結送部以便稽查賣多報少之弊第糶糧收銀各數州縣俱于詳內詳晰聲明據詳咨部自屬可稽其有無賣多報少暨委員監糶又經取石切實印結所有冊內造報仍係文內之數一數兩開徒滋重複應請嗣後州縣糶賣糧石事竣祇取並無賣多報少印結咨部免其造冊等語 應如所請辦理

一 據直隸總督方 咨稱各州縣田贖民典旗地案內有將旗分人名悞開者經原業赴部具呈行文飭查該州縣奉文之後轉行傳訊而原業或係在京或稱他出以致經年累月不能查明聲覆查贖地之人籍隸各旗其有無捏冒在本旗自易查考嗣後如有此等悞開旗分人名之處應請據呈移行本旗查明確實並將有無捏冒應否准贖之處分晰行知照辦庶省咨查往返之煩等語 應如所請辦理

一 據兩江總督鄂 咨稱上江各屬無投誠墾荒人員逃亡事故每年報部一案已久無其人應請裁減等語應如所請嗣後並無投誠等項事件免其造報如有前項人等仍令該督轉飭各屬隨時

例造報

定例請飭易條款

湖廣總督開 疏稱奏銷案內例造更名雜課班匠及歸併屯
餉驛站動支正項驛站改補正項六款冊載經徵職名各屬經徵
地丁正雜錢糧內凡有此六款必須另造一冊隨同奏冊送部以
便稽查確數至各屬經徵分處如有未完係於起運地丁正項奏
銷冊內分別分數開叅職名聽部議覆原不以六款冊籍考察完
欠是六款中復有贅叙經徵職名起底月日似屬重複應請裁減
等語 應如所請辦理

據湖廣總督開 疏稱司庫收存一切錢糧每年應造春秋二季
撥冊其請咨詳內向以節年奏准部咨共計三案行令備錄原奏
全咨內多係駁查別省造報不合及指駁各省庫貯銀兩數目者
均與本省無涉因於文內搭叙嗣後各省作何辦理等語即以全
咨備錄實屬繁冗應將節次部咨按叙奉准事案年月日期及於
行令嗣後作何辦理之處簡叙入詳咨送冊籍以歸簡易等語
應如所請辦理

據湖廣總督開 疏稱奏銷襍稅錢糧逐縣逐款均止開造額徵
及已未完解各數其已完到司支存數目均於司總登叙送部查
核歷年凡彙冊造報之牙當茶船等稅俱係如此簡明開造惟田
房稅銀於登叙已未完數之後又逐縣開列前件細叙司庫收存
實屬繁冗且春秋二季報冊原止司庫收支各數從未逐縣登叙
應請將田房稅銀照牙當等稅之例僅登已未完各數統於冊後
結造司總數內按款登叙等語 應如所請辦理

湖廣總督開 疏稱報墾案內墾科事案陸科全完二項冊內

向係逐縣備叙陸科部文查報墾田地先當陸年分應造陸科專案分晰起存銀米細冊又於次年奏銷應造陸科全完款冊具題此二案冊內向係不論陸科縣分多寡俱將報墾陸科題准部文逐縣釐造入冊實屬繁冗請將應叙部文各縣冊概行刪減統於冊後結總處備叙全錄等語 應如所請辦理仍於地丁奏銷冊將每年陸科田地錢糧分晰造報查核

據湖廣總督開 疏稱武昌廠關每年徵收錢糧應造期滿結冊查此項清冊歷將日收銀兩數目逐細報部查核至日收銀兩已於每季季底遵請裕稅課事案於季造報查核并遵循例奏明事案將一年期滿合共徵收銀兩具題考核又復查造期滿清冊似屬重複請嗣後毋庸再造期滿清冊止將四季徵銀總數照例具

題等語 應如所請辦理

一 據陝甘總督永 疏稱固提標屬各營如有扣存養廉營分俱係隨時造報並未按季造冊其冊銀兩亦係現存之數隨時造冊一次毋庸按季造報至署員支食過銀兩亦毋庸入冊等語 應如所請辦理

一 據陝甘總督永 疏稱陝省通年預估次年春季官兵俸餉銀兩止奉部預撥銀三十萬兩並未照估計確數酌撥其所造之冊似屬具文應請裁減等語 應如所請辦理

一 據四川總督黃 疏稱米糧價值已經各州縣按月通報由布政司彙冊轉呈其知府直隸州月底彙報之處似可停止等語 查川省各州縣按月通報米糧價值由布政司轉呈之處並未咨部

以川省凡有採買平糶各案無憑查核應請嗣後將各州縣按月通報米糧價值由知府直隸州核轉令布政司彙總核明呈報總督造報戶部查核其知府直隸州月底彙報之處應准其停止

一據四川總督黃 疏稱每年奏銷恭造進

呈黃冊固不敢議減但地丁開銷一冊包羅一切支款四川一省而於俸工民壯二項另造黃冊似屬重複又八旗督提鎮協營俸餉兵馬錢糧奏銷各冊無論總散俱造黃冊未免繁冗似應將八旗督提鎮協營俸餉兵馬錢糧一冊仍造黃冊其餘俱停造報等語 應如所請嗣後惟以四總冊仍造黃冊其餘俱其停止

一據漕運總督瑚 疏稱各省衛幫歲造漕船用過工料銀兩俱按

年造入漕項奏銷冊內分送部科查核惟江安浙江山東三省造報倉場奏銷之外又有考核事一案造冊具題同一報銷銀兩而兩次題達未免重複緣江安浙江山東三省漕船向係船政同知專司督造其用過工料銀兩即由該同知造冊詳送漕臣衙門核題迨雍正二年船政同知奉裁歸併糧道經管自此以後凡一切徵收解給各項錢糧均在奏銷案內題銷而考核具題仍循其舊但查倉漕奏銷送部冊內係開例銀兩數目考核送部冊於銀數之外併開丁名年貌四柱等項細數自應將考核案內冊籍仍令按款開造彙同奏銷各冊一併分送各部科照舊查銷所有考核一疏仍可毋庸重複具題等語 應如所請辦理

漕運總督瑚 疏稱各省出運糧船數目江安糧道每年造冊

從送戶部戶科倉場查核復又造冊送臣衙門咨達戶部浙江糧道係造送撫臣題報併送臣衙門備案復于糧船抵通時糧道又造冊齎呈戶部戶科蘓松江西湖南湖北河南等省則係糧道造冊詳送臣衙門咨達戶部倉場暨戶科江南道各衙門併令押員弁于抵通時造冊同全軍呈送部科查驗山東省又不造送臣衙門咨達殊不畫一請嗣後照依浙省之例行令各糧道於糧船起運時卽行造冊就近詳送撫臣衙門題報開幫日期案內揭送戶部戶科倉場查核俟船糧到通投驗全單自可按冊稽查止令照造一冊送臣衙門備案毋庸重咨其向由糧道自行造送文冊併押運廳弁到通所造各項冊籍概請刪除等語應如所請辦理

據漕運總督瑚疏稱各省起運漕白幫船數目四次題報過淮

業已造冊揭送戶部倉場查核現又經臣於前欵定議嗣後行令各糧道開造船米數目俱於幫船起運時造冊詳報撫臣揭送戶部戶科倉場是倉場衙門已有兩次冊籍可稽其向來請咨南漕等事案內復令各糧道造冊詳咨似屬重複應請免其造送等語應如所請辦理

據漕運總督瑚疏稱重運幫船自淮抵通臣衙門每幫填給限單一張赴通呈繳回空之時倉場亦每幫給發限單一張到淮繳驗臣衙門又每幫換給限單一張歸次查驗其自次至淮江西湖南湖北幫船亦止每幫給限單一張惟江安蘓松江三省撫臣衙門逐船給發限單到淮呈驗實屬繁冗應請將江南蘓松江三省亦照江廣之例每幫給限單一張以歸簡易等語應如所

言辦理

據漕運總督瑚 疏稱湖北成造漕船係題請給發料價造竣之日咨部報銷而湖南造船則係咨請成造完工之後具本題銷兩省既不畫一且與浙江各省請成造統入奏銷案報銷之例不符今似應畫一辦理俱令咨請成造歸於奏銷案內核銷等語 應如所請辦理

據漕運總督瑚 疏稱各省糧道春秋二季於推廣良法等事案內造報存庫漕項錢糧冊籍送部撥酌一案俱係詳送各撫 臣咨部派撥卽奉部撥解文內亦據撫 臣咨報數目知照動撥但動撥銀數應於漕項奏銷案內登答是以糧道造報撫 臣又造冊送 臣衙門備查各省自應畫一辦理今江安蘓松湖北山東河南五省

俱係如此造報惟湖南浙江江西三省造送撫 臣咨部之外 臣衙門復又咨報似屬重複應請嗣後湖南浙江江西三省糧道春秋二季撥冊亦照江蘓等省畫一於限造報撫 臣咨部照冊造送 臣衙門備查毋庸重複咨達等語 應如所請辦理

據漕運總督瑚 疏稱各省衛幫旗丁駕漕船二十年完糧無欠例應請給頂帶但有由糧道詳咨者有旗丁徑赴坐糧廳具呈轉報倉場核咨者事不畫一且倉場據該廳所呈仍移咨 臣衙門行道查詳咨覆倉場始行達部輾轉咨查殊覺繁瑣應請嗣後旗丁請給頂帶俱令呈明糧道確查詳報 臣衙門移咨戶部倉場核咨等語 應如所請辦理

據漕運總督瑚 疏稱各省重運幫船經由營汛向令運官於船

定西歸傳身修典
才兌開之後即將船數開揭送臣衙門轉發各汛俟漕船經過查
點放行但各省每年出運糧船約有一百三十餘帮自南至北經
過沿途營汛一百數十處以一帮之船抄發一百數十摺合而計
之累萬盈千徒滋煩擾况帮名船數漕船尾後俱懸有粉牌一目
瞭然所開清摺實屬紛繁無益應請免其開送等語臣應如所請
辦理

一 據漕運總督瑚 疏稱各省帮船回空過淮抵次日期均有糧道
造冊詳請咨部查覆但向來有由撫臣咨報者有由臣衙門咨報
者更有撫臣已經咨部臣衙門復又咨送者似屬繁冗今請將過
淮日期冊均由臣衙門咨部其抵次日期冊俱令糧道就近造報
撫臣咨達止須造一冊送臣衙門查覆請免重複咨部等語臣應

如所請辦理

一 據漕運總督瑚 疏稱蘓浙等省每年於漕項奏銷之先預造僭
運糧儲事錢糧欸冊咨送戶部以備奏銷冊籍到部核對但預造
之冊與奏銷冊籍並無參差互異江安河南二省奏銷冊籍之外
並無預造清冊今蘓浙等省一樣欸冊兩次送部似覺繁瑣應請
照江安河南之例將預造之冊免其造報等語 應如所請辦理

二 據漕運總督瑚 疏稱各省並無難結事件一案江寧藩司蘓松
浙江江西湖南湖北山東各糧道俱係按季詳請臣衙門分咨都
察院併各科道在案今查此條業經都察院定議止令報部毋庸
彙題等因若仍按季咨達似尚繁冗應請改爲夏冬二季各咨報
一次再江安河南二道向來按季詳咨今既改爲兩季咨報統俟

准之日行令畫一詳咨等語 應如所請辦理

據江蘇巡撫蒞 疏稱收成分數向係督撫題報但巡撫既經具題總督又復題報事屬重複嗣後應聽巡撫具題總督毋庸具題等語 查收成分數向係總督巡撫各自具報因其均膺地方之任若如該撫所請巡撫既經具題總督毋庸再題亦屬未妥今酌議嗣後收成分數應令巡撫主稿會同總督聯銜具題以歸簡易據江蘇巡撫蒞 疏稱每年奉准部文一切案件例應摘敘事由於下年奏銷時隨奏造冊送部惟是奉到案件悉遵部行辦理均有各本案詳咨銷結所有每年造報戶部事由冊無關稽核應請免造等語 應如所請免其造送仍令該撫將奉到各案于文尾聲明准咨出咨月日有無逾違緣由以便稽核

據江蘇巡撫蒞 疏稱雍正十年起一切存價缺買應追應免各項通年查明已未追完緣由統造至乾隆七年止其乾隆八年附詳題報止將是年未清等項例造冊尾逐年清楚造報所有雍正十年起至乾隆六年駁款應請改登統歸乾隆七年駁款案內登報歸結等語 查蘇省倉穀奏銷案內存價缺買及應追應免各項自雍正十年起如有未清之項至下年奏銷復又造入實屬重複應如該撫所請該省倉穀奏銷駁款自雍正十年起至乾隆六年內存價及應追免各款統歸乾隆七年駁款登覆案內登報歸結其餘開除未結等款仍歸本案造報至乾隆八年以後應令逐年將未清等項列造冊尾清報 疏稱蘇省倉穀統歸常平名目原不分別款項

賑濟報銷冊尾止須開明本色併撥協鄰邑米穀總數至動撥銀兩司庫動放賑銀已有交代開除冊報部可稽似可毋庸另造細款惟將原放動存已未解還各數於報銷詳內聲明已屬清晰毋庸再將細款另冊造報等語 查賑濟報銷冊尾動用米石應如所請准其止開本色併撥鄰邑總數至放撥賑銀款項不一若不開造細款則動用何年何項銀兩無憑查核應令該撫仍照舊例造報

一 據江蘇巡撫莊 疏稱地丁等項奏銷冊籍向係院司衙門造冊分送戶部戶科查核所有巡撫衙門既經分送部科則藩司衙門似可毋庸重複造送等語 應如所請辦理

一 據江蘇巡撫莊 疏稱各年各項奏銷駁款案內動用錢糧有奉部候彼案准銷之日報部查核者有應聽彼案完結題結者應聽就款開銷查奏銷動款數目既已相符或彼案因別故駁查無關動款原案卽有核減應追自有六案可稽似可卽准銷結毋庸登覆以清塵案等語 應如所請辦理

一 據江蘇巡撫莊 疏稱蘇省丁田各項奏冊現奉部咨議覆閩省條奏酌刪繁複造報現在專案請咨從乾隆十九年爲始將丁田內開載荒災各項除本年新災及靖江泰州二屬冬勘田地照舊造報外其餘版荒空廢逃缺人丁淮揚江震冬勘等項請同各年原奏增裁之款一併刪除嗣後如遇新荒准豁并陞增裁復止於本年列入迨至下年卽以上屆實徵爲額毋庸再叙等語 查蘇省地丁奏銷冊內開載繁冗各款除本年新災併靖江泰州及淮

揚江震每年例應冬勘田地坍塌靡常未便概行刪除應令仍照舊例辦理外其餘版荒完廢逃缺人丁併各年原報陸增裁復田地錢糧止於本年列入迨至下年卽以上屆實徵爲額毋庸再叙至修造全書時悉行詳載以備稽考

一 據江蘇巡撫莊 疏稱丁田冊地丁一欸有起存之分前後分列三條茲查起運存留並無一定各屬解司地丁俱聽戶部統撥無庸分晰應將本省地丁刪去起運存留兩條併造起存一條又漕項銀兩自有糧道衙門專案奏銷所有藩司衙門丁田冊內開造隨漕各倉白糧經費等欸應請併造一條又地丁職名冊內停辦顏料價值銀兩原同地丁一體撥用而奏銷冊內又另欸造報層層結總亦屬紛繁應請將停辦一欸刪歸地丁彙造將來設令復

辦仍于地丁項下動撥等語 查地丁錢糧在民一總完納在官分欸解支是以奏銷冊籍分欸列造以期稽覈若如所請起運存留併作一條則起運若干存留若干戶部無憑稽核自應仍照舊例辦理其漕項銀兩原有糧道專案奏銷所有藩司衙門丁田冊開隨漕各倉白糧經費等欸自可無庸再行分晰應令該撫嗣後祇將各屬額徵漕項等欸併造一條免其分欸以省繁冗至停辦顏料價值銀兩雖同地丁一體撥用但係額編之欸設遇復辦仍需動用未便刪除應令該撫將該省額編顏料價銀除現在辦解動用外其餘停辦銀兩仍行列欸造報撥用

據江蘇巡撫莊 疏稱淮揚等屬經徵職名分數之下向有臚列丁沉地版荒完廢等項名目驗算考成今丁田冊內旣請盡行

冊 去其職名之下亦應一體刪減等語 應如所請辦理

據江蘇巡撫莊 疏稱各屬蘆洲田地冊漲靡常每年遇有陸增冊豁歷于奏銷冊內登載若按年畢載入冊實為繁冗今照閩省條奏一歲之中陸增田畝銀數流至下年則以上年之實在為下年之定額造報其上年之增除不必重複造入請自乾隆十九年壓徵十八年奏銷為始等語 應如該撫所請辦理至修造全書時仍將每年陸增冊豁各數按年詳載以備查核

據江蘇巡撫莊 疏稱蘇省文職監放兵餉營員並無尅扣印結向係按年按月送部殊覺繁瑣應請嗣後按月送到之結畱存備案止于年底一次送部查核等語 應如所請辦理

一 據調任安徽巡撫衛 疏稱查報奏銷原係稽核一年完欠其原額田地山蕩及陸增減除各數久有定案向來冊內年年逐一臚列內部亦不核議實屬繁冗應請次年奏銷止將上年奏銷實徵之數開列於首再將該年應入額陸增銀米各數附載或有款豁亦將事案登明通年如此查造似屬簡易等語 應如所請辦理

據陞任山東巡撫楊 疏稱嗣後起解銀兩從本省發餉之處每一解官給與照票一張將所解錢糧以及搭解款項逐一註明照票之內至於銀數一概寫至分字為住以下零尾俱應截去只用一零字其鞘幾枝幾扛幾拍頂註明票內令解官收執所到州縣取出照票交與地方官查明具結呈送則咨文無論先到後到俱得畫一其銀數截去一概零尾用一零字在結內書寫亦得簡便而解官到部投交原有批文照數兌收並不在結內之零尾為憑

其具結既遵照票倘咨文有與票不合之處總以照票為準毋庸駁換則呈送自速等語 應如所請辦理

據陞任山東巡撫楊 疏稱武職官員降革住俸罰俸銀兩例於餉冊內扣貯司庫年底統於兵馬奏銷冊內彙造題銷於奏銷後又在嚴催罰俸銀兩案內同各官解貯司庫罰俸銀兩彙造總冊報部撥解按季造報之冊實屬重複似應裁減統于年底造報又查文職各官完解司庫降革住俸銀兩令各屬造具細冊本司添造總冊按定四季詳咨在案今東省文職各官俱於奏銷以前完解司庫並無按季零星完納其四季造報之案似可裁減統於奏銷冊內及春秋二撥案內造報等語 查東省文武官員除降革住罰俸銀均係扣除司庫並無案季零星完納則四季報明之案

原屬紛繁自可裁汰至各官內有預行完納以圖銷案爲陞遷之地者未便概於年底彙冊造報應令該撫照例將預行完納者隨時造報

據陞任山東巡撫楊 疏稱州縣一切正雜錢糧每年奏銷造冊款項式樣往往不能符合布政使不得不爲駁換所換之冊仍不合式往返再三是以州縣雖年年奏銷造冊而布政使送部之底冊多有未曾得見者逐年駁換始終不能合式嗣後應請一切州縣奏銷送部底冊檢查齊全分發各府轉飭各州縣照抄備案庶得照式造送則每年造冊州縣可免駁換之繁等語 應如所請辦理

據陞任山東巡撫楊 疏稱專支工食有用錢者有用銀者各隨

便冊內仍以銀錢兼造條款繁雜殊費核算嗣後請卽以銀數造報其銀七錢三一欸實屬無益等語 應如所請銀七錢三一欸准其刪除嗣後總以銀數開造以歸簡易

據調任山西巡撫胡 疏稱奏銷錢糧項欸數目與奏銷全完未完應叙應參各官原可合疏具題今晉省奏銷分題一係奏銷某年地丁錢糧事註語呈送收支各項細數清冊一係奏銷某年地丁錢糧查參未完各官事註語呈送應參應叙各官職揭而文內之裝叙原案及看內開列錢糧數目均屬相同似覺繁瑣嗣後請止具一本用奏銷某年錢糧查參夫完各官事註語將收支細數清冊與應參應叙職揭一併具題等語 應如所請該省奏銷總歸一疏毋庸分案辦理

一 據調任山西巡撫胡 疏稱各州縣等地丁項下應徵錢糧每年造冊奏銷而以州縣爲撒該管知府直隸州爲總院司彙造一省之總其總撒冊內分晰原額地畝徵糧本折併存留起運完欠等項各細數一造清冊隨本送部核銷一繕黃冊隨本恭呈

御覽歷年遵循在案但送部清冊既將總撒各細數條列內部銷算已得考核周詳而黃冊一項貴在簡明乃向照遠部之冊總撒碎欸概行全造實屬繁碎應請嗣後除送部清冊仍照舊造報外其黃冊似可将各府州縣撒數核去祇就一省總數簡明開造等語 應如所請辦理

據調任山西巡撫胡 疏稱嗣後

二年各屬倉庫錢糧責令該管道府直隸州盤查無虧出具印結

定例歸併身使
同考語事實冊結送吏部吏科都察院河南道查核不必于事實冊後開造錢糧四柱數目至于戶部戶科等衙門均有奏銷冊檔可稽毋庸重複造送等語 應如所請辦理

一 據河南巡撫蔣 疏稱節年奉准部咨題准各屬孝義節烈男婦奉

旨旌表行令各給建坊銀三十兩在於各州縣地丁項下給發仍飭將給過銀兩造入該年地丁奏銷冊內具題查核並取印結領狀單咨送部實屬繁碎請嗣後將各屬給過建坊銀兩令各州縣除造入奏銷外仍取具印領具文通報查考至逐案詳咨之處應行停止等語 應如所請准其停止

一 據河南巡撫蔣 疏稱礮底小鹽煎販貨賣者仍照舊例嚴禁並於歲底取具地方官並無私煎私販印結送部查核查私煎私販各屬俱已遵例嚴禁不敢容隱設或不能實力稽查以致私販充斥有碍官引該管上司即當隨時揭叅聽部議處何待年底通行取結始知有無私煎私販事屬具文應請停止等語 應如所請歲底通行取結准其裁免

一 據河南巡撫蔣 疏稱丁地錢糧每年奏銷止開造地畝總數科則並未將闔邑花戶姓名開造獨於雜稅一項必須開造姓名物件牲畜等項細數實屬繁瑣請嗣後雜稅奏銷清冊照丁地錢糧之例止將原額若干本年徵解若干儘收儘解造總冊申送其牙行姓名帖賬名目抽收完納銀物各細數均請免造如牙行有歇業頂換者應仍將牙行姓名帖賬名目及頂換緣由預行報明以

便編審時查對等語 應如所請辦理

一 據陸任浙江巡撫覺羅雅 疏稱州縣正署官到任俱報明戶部其兩月限內交代清楚者由司核轉該撫咨報戶部查交代之案先將限期扣明一次咨部迨後清楚又一次咨部未免繁冗似可改為一次咨部如某員何時到任應至何時限滿並無逾限者聲明咨部如有逾限者即行咨參似可毋庸先咨扣限等語 應如所請辦理

二 據陸任浙江巡撫覺羅雅 疏稱三年帶辦科舉各項銀兩歸入起運如遇鄉會之年照數於起運銀兩內動給造入奏銷報部查科舉三款向係取造各屬冊結同司總冊送部核銷查司中既經彙造總冊其屬冊似可刪減等語 應如所請辦理

皇清

一 據陸任浙江巡撫覺羅雅 疏稱各屬每年額編芽茶折價錢糧於奏銷時造具批解銀數清冊送司核造司總

二 據陸任浙江巡撫覺羅雅 疏稱各營兵米定例按季造冊彙同各營印領送部查核各營支給糧米已有題銷營冊可查此項印領似可刪除等語 應如所請辦理

三 據陸任浙江巡撫覺羅雅 疏稱歲底藩司將未完各項事件分晰造具簡明清冊送部稽查一案查奉部行查事件如關係錢糧者則歸題銷登答按限造報其著為定例者則歸成例案內造報至於難結及不必回文事件又係按季造報所有年底條例一冊以屬繁文應請裁去等語 應如所請年底條例一冊准其裁除

陸任浙江巡撫羅雅 疏稱均派各屬祭祀銀兩將有餘之
州縣應減銀兩補不足之州縣造入奏銷冊內報部查核併于地
丁奏銷案內分晰聲明查此案每年已有司總各冊送部其各州
縣每年于奏銷時另造分款細冊似可刪減等語 應如所請辦
理

據原護江西巡撫王 疏稱江省每年奏銷錢糧除奉准銷外其
奉駁查款項俱於各次登答案內聲覆統俟各款奉部覆核准銷
齊全之後一總題結無有分散而不彙題嗣後辦理不入奏銷案
內之項有將凡奉外省咨追核減著賠分賠等項一概造入似與
原文無涉今奏銷案內駁查錢糧既俟准銷之日一總題結而外
省咨追各案又於年底彙題到部虧空贓罰等項案內另造清冊

呈送則此項冊籍似屬無用應請免造等語 查奏銷案內未結
各款原有本省外省咨追核減等項銀兩又據該撫另冊送部應
如所請將歲底應造報各項未完事件冊籍免其查送

一據原護江西巡撫王 疏稱民間栽植樹木例應逐年造送成效
清冊但此案已入成效案內三年一次查報又復逐年造冊不無
繁瑣應請入於成效案內三年造報一次等語 應如所請辦理
據調任福建巡撫陳 疏稱官民捐穀有無多寡原聽自便及至
動用開銷另有專案向因報銷冊內備列管收除在務須通行各
屬分晰造報即未經報捐州縣亦須造冊送核辦理實屬紛繁且
積穀各數其管收除在於年底察盤各項倉穀造冊報銷之時已
經備悉開載報捐案內又復縷縷造入未免重複似應將乾隆十

年官捐民捐各數遵照欽奉

上諭事分案造冊請題其所收穀石卽於察盤案內列作新收備開舊管除在則州縣得免重造之繁等語 應如所請辦理

一 據調任福建巡撫陳 疏稱條列應行事宜等事案准戶部定議每歲年底將錢糧未完各項事件原有本案辦理且未完錢糧等項現於請定奏銷成例等事案內遵照部行奏銷現年錢糧之時將歷年帶徵各項完欠併動存各數目彙冊另繕題本隨本年奏銷一併具題又乾隆十二年奉

旨於每年歲底將未完錢糧內徵完若干未完若干併本年經徵已完未完各數分晰開具清單奏

聞又十七年奉

上諭嗣後各省每年完欠錢糧俱著隨奏銷時分晰查明核實摺奏不必循歲底奏聞之例欽遵各在案查民欠與已未完各數既遵奉 上諭於奏銷時分晰核實具奏又有奏銷現年錢糧之時將帶徵歷年各項完欠併動存各數造冊具題達部所有條列應行事宜等事案內每歲年底將未完事件造冊之案似可停止等語 查未完錢糧既遵

上諭於奏銷時分晰核實且奏又於奏銷現年錢糧之時將積年完欠併動存各數另結題本造冊具題有無遺漏舛錯自可互相稽考毋庸再行造冊送部至各項未完事件年底造冊報部該撫既稱奏銷之時造冊具題似可停其年底造冊 應如所請辦理 疏稱賞恤微員離任身故家口不能回籍

給與路費年底造報一案嗣有議定賞恤微員路費領銀後限半
月內起程取具出境日期印結詳報咨部殊覺繁瑣似應改爲按
季彙咨等語 查賞恤微員回籍路費銀兩係按照程途里數支
給扶柩銀兩例有定數卽該員有無侵貪重款亦可彙案咨查逐
案咨部未免繁瑣今請改爲按季彙咨但路費銀兩係耗羨章程
五年比較之項仍令該撫於年底造冊咨報以憑彙行奏

聞

據調任福建巡撫陳 疏稱官員在部酌借養廉間有在途病故
及尚未扣清而病故者未完銀兩於通省道府以下例應借支養
廉等官名下均攤扣抵一案嗣後遇有病故之員一面將未扣銀
兩飭行照例均攤扣抵統歸於按年造報冊內分晰登明報部似

可毋庸按員先行咨明等語 應如所請辦理

一據原任湖南巡撫范 疏稱每年應出倉穀各項印結有一件積

貯原以備荒等事並無折色結又一件請嚴倉庫等事奏銷盤查

結又一件請嚴倉穀之虧空等事年底保題結以上三項印結俱

於每屆奏期同送但存倉穀石既有該管道府州盤查具結之員

是問而又另具盤折色二項印結實屬繁碎應將此三案歸併一

案彙爲一結其名目止立保題印結註語仍於結內註明並無虧

空折色等項歸於保題一案隨冊送部等語 應如所請辦理

一據原任湖南巡撫范 疏稱寶南局錢文向將各爐各卯配用過

銅錫勛價脚並鑄出錢文歸還原本以及盈餘銀兩各數目按季

造報仍於年終統入造冊題銷查動用正雜錢糧俱於事竣年終

奏銷今鼓鑄錢文事同一例應請統於年底報銷其季報一項事屬重複應請停止造送等語 應如所請辦理

據調任陝西巡撫鐘 疏稱陝屬旗標鎮營官兵馬匹應需月糧料豆俱係就近供支並無撥運遠汎致累兵民一案雍正三年又准戶部咨嗣後仍於估撥之日按月造具供支地方清冊送部查核等因查各州縣額徵民屯本折糧石有運赴糧道倉內供支省城旗標兵馬者亦有徵貯州縣倉內供支本地駐防兵馬者已在各年估餉及奏銷冊內分晰開造今有令各屬於估餉時另造供支冊籍同估餉冊一併送部雖係舊例相沿實屬重複等語 應如所請辦理

據調任陝西巡撫鐘 疏稱每年奏銷時各州縣造報屯衛地畝

有馬銀一項原係額徵屯賦地丁一股之數其動支緣由在於考成冊內登造乃又令州縣於額徵屯賦之內另行摘造馬銀一冊隨奏銷一併送部亦似重複等語 查陝屬屯衛地畝內應徵馬銀原係解司充餉向據摘造馬銀一冊隨奏銷送部今該撫疏稱在於考成冊內登造又令各州縣另行摘造亦似重複但地丁考成冊內丁條馬價等項籠統開造並未分晰應徵馬銀若干應令該撫嗣後在於考成冊內逐一分晰各項數目造報其每年另行摘造馬銀一冊應准其刪除

據原任甘肅巡撫鄂 疏稱州縣得有雨雪例將所下時刻所得分寸隨時具摺通報外又有旬報月報原係慎重民瘼之意查雨雪日期既已隨時通報則各州縣雨水陰晴已屬了然所有旬報

月報摺可以刪減等語 應如所請准其刪減

據原任甘肅巡撫鄂 疏稱州縣起解錢糧向例具文詳府換文

解司查附近之州縣尚屬便易其離府寫遠者道路迂迴嗣後州

縣起解錢糧時應令一面報府一面徑行解司毋庸候府換文等

語 應如所請辦理

據原任甘肅巡撫鄂 疏稱民借籽種口糧向係各州縣先將需

借糧數詳允出借事竣造具花名地畝戶口細數冊申送府道司

院各一套年底彙案請咨但冊籍既多查造頗繁應飭令州縣將

花名地畝戶口細數止造冊一套送府備查其道司院止送鄉堡

總冊年底彙咨毋庸造送細冊等語 應如所請辦理

據陸任廣東巡撫蘓 疏稱糧驛道衙門修造驛船向係實需工

料細數造冊詳繳具題請於該年驛站裁四銀內撥給嗣於康熙

三十一年奉准部行將修造本案船隻工料總數并聲明除造細

冊詳題緣由另請報明內部但具題案內既有揭報則另請咨明

之處實覺繁瑣似可刪減等語 應如所請辦理

據陸任廣東巡撫蘓 疏稱通年奏銷將魚課原額及新城報缺

各數目另造一冊隨同奏銷一起咨送一案查額徵魚課各數通

年已列入地丁冊內核明開造請嗣後毋庸另造冊報等語 應

如所請免其造報

據陸任廣東巡撫蘓 疏稱通年撫標於七月內將上年分兩營

官兵名數馬匹毛齒造冊咨送戶部一案查此項冊籍每年已經

彙司通省造冊題報且督提各標向無造送戶部冊籍應請酌除

子語應如所請辦理

據陞任廣東巡撫燕 疏稱承追虧空侵挪銀米穀石等案連年於一件請

旨事案內將侵虧錢糧銀米穀石已未完數目造冊詳請具題揭送部科查核又於一件條列應行等事復將此項冊籍照冊詳繳咨送似屬繁瑣應請嗣後既於請

旨事案內造送其一件條列應行等事案內毋庸再行另造詳咨等語應如所請辦理

一據原任廣西巡撫李 疏稱粵西每年題報各屬開墾地畝係將通省州縣荒熟地畝科則無論有墾無墾俱逐州縣照依全書開造又彙造府總省總各省送部查核茲查按年造冊題報原專重

在開墾是以題疏內止將各屬新墾老舊荒地畝及科徵銀米各數叙入其並未開墾之州縣不過照上年底冊重造一遍實屬無益嗣後題報開墾止將有墾之州縣分造再合大總彙冊具題送部其無墾之州縣毋庸重造等語 應如所請辦理

一據原任廣西巡撫李 疏稱嗣後奏銷地丁常平二案應請將節年舊准部文悉行刪除祇將上年奏銷之部覆並本年接到之部文有關奏銷錢糧倉穀者逐一裝叙庶事歸簡易再查驛站銅務礦廠各案奏銷亦係冗叙節年接准部文今地丁常平兩案奏銷刑繁就簡所有驛站銅務礦廠各案奏銷應請一例刪除等語應如所請辦理

一據原任廣西巡撫李 疏稱各州縣歷年並無秋冬贖穀及興釐

捐積谷石通年常平奏銷造送通省贖谷冊內止開造某州縣自某年七月初一日至十二月底止積過贖穀無又與釐務期實濟等事捐積穀石冊內止開造乾隆某年分舊管無新收無開除無實在無字樣既無前項穀石何必逐處造冊相沿日久竟成故套應請嗣後如遇有前項秋冬贖穀及捐積穀石之州縣仍照舊造報外其並無前二項穀石之年止於詳看內聲明並無緣由毋庸造冊等語 應如所請辦理

一 據原任廣西巡撫李 疏稱各州縣應支官俸役食廩糧各數已於存留糧米冊內開支其中如有空缺亦在存留糧米冊內列款造報從前又將缺官俸空缺俸食廩糧及俸工三項摘出各另造一冊實屬重複應請嗣後將此三項冊籍毋庸重造紘于存留糧米

內查核等語 應如所請嗣後將此三項冊籍毋庸重造 據雲南巡撫愛 疏稱各官交代因恐新任不諳是以委員協查但州縣等官亦有明白諳練無籍協查者又有前官款項本清即可交代者乃因有委員協查之例凡到任後必俟委員始行盤查及至交清又將冊籍移送委員加結申送輾轉稽延而委查之員往來奔走本任公事轉致不能辦理似覺繁碎應請嗣後新官到任如果係初入仕途或前官款項不清新任之員即詳請知府就近委員協查該府將委員姓名通報立案如無前項情事即自行交代不必等候委員至於交代清楚即令新任造冊出具總結申報如有遺漏不清惟出結接收之員是問其有應協查之處亦毋庸委員加結等語 應如所請辦理

據雲南巡撫愛 疏稱定例解送餉銀先行知會前途文武各官
俟餉鞘到時立刻起行交替催饋將入境出境日期並有無事故
出具印結加結報部查核等語 查戶部定例原指解送京餉今
各省協滇餉銀亦照例取結咨送但不分有無事故一概出結似
屬繁瑣嗣後除有事故耽延者照例具結外若係按站解送並無
延延者止將入境出境日期具報咨部毋庸具結等語 應如所
請辦理

據貴州巡撫定 疏稱定例州縣存倉米穀造具版口清冊註明
採買徵收年分通報在案遇有開糶即將應糶某倉某年分米石
逐一聲明詳報買補開徵亦將收入某版口數目報查原以杜存
舊糶新之弊但平糶倉糧例應出陳易新黔省地處山鄉上潦下

濕倉儲米穀通年出易尚不免有霉變轉折之累存舊糶新之弊
實可保其必無且版口字號貯穀年分存倉數目斷難一定不移
理應隨時盤驗勢不得不將此版之米穀移貯彼版而版口有大
小之不同年分字號各別若不節次報明更正則例將虛設事屬
欺朦若以造報有案屢報屢更實屬繁碎難行亦無關於考察應
請刪除等語 應如所請辦理

據調任長蘆鹽政吉 疏稱各商認行引地俱係取具認結保狀
運司加結詳送部科查核引鹽皆係商人自運銷賣從無派引累
民情弊所有每年咨送部院之順天開封一十五府屬各州縣營
衛印結應請裁簡又山東行地皆係商人自行領引運銷或因引
少難行租併他商引張行運或撥商總認象商引張銷賣票鹽地

方監課攤入地畝徵收之州縣係任聽民灶領票散賣商運州縣
係該商自行領票運銷從無派引累民情弊所有每年飭取並無
派引累民印結事屬具文應請裁簡等語 應如所請每年飭取
印結准其裁簡

禮部議覆條款

據奉天府府尹鄂 疏稱未經考職貢監生向皆按季開造四柱
清冊報部年終又復造報似屬重複應請改爲年終彙報又據河
南巡撫蔣 疏稱貢監生丁憂起復病故除四季造報外又於年
終開造四柱清冊送部實繁案牘請將四季所造之冊併入年終
四柱總冊之內其病故者附入開除項下丁憂起復者附入實在
項下其四季之冊概行停止至病故貢監已將實收部監照繳送
應免其取結又據陞任廣東巡撫蘇 疏稱捐納監生未經考職
原不關銓選其丁憂起復似可毋庸按季達部止令該生呈報該
管州縣通報存案至監生緣事病故斥革開除與報捐新收仍照
舊造冊送部毋庸議減等語 查在京酌歸簡易案內各省貢監

生丁憂起復事故遇鄉試年逐案單咨其餘年分各省將貢監生
丁憂起復事故統歸實在開除項下註明年月照禮部原行按季
造冊報部省去年終彙報通行各省遵照畫一辦理在案該撫等
所請之處均毋庸議其病故人員已將實收部監照繳銷應毋庸
取結

據調任山西巡撫胡 疏稱僧道尼僧每於歲終將所減牒照實
數造冊奏報其送部清冊減除實數內原有年歲花名所有應追
牒照亦卽隨冊送部核銷其四柱花名冊籍應免重複造送凡有
招受生徒姓名清冊應一併歸於所減實數內另冊報部又據河
南巡撫蔣 疏稱僧道尼姑減存數目造具黃冊併造清冊年底
奏咨仍取花名年歲及投師傳徒之處具冊送部但各屬僧道領

牒照時業將花名造報有案內有病故未經傳徒者又將牒照繳
銷已有案可稽嗣後如有投師傳徒者將花名年歲造冊送部其
餘花名冊應免造報等語 查各省每歲奏銷減除清冊已於乾
隆十九年正月內奉

上諭 停止其送部減除冊亦毋庸再送應行令各直省督撫嗣後每歲
仍造送四柱清冊卽將舊管新收開除實在僧道尼僧各花名以
及年歲籍貫投師傳徒之處均詳明開載送部以備補放僧道官
有所查考

據直隸總督方 咨稱收埋屍骨設立義塚年終一冊彙報足備
查考不必每季冊報等語 應如所請准其年終彙冊報部免其
季報

欽定四庫全書
欽定四庫全書
據四川總督黃 疏稱文武生員丁憂起復既經教官查明取結自可徑報學政註冊廩生併報布政司扣支餼糧其由縣轉府之處亦可停止等語 查文武生員係教官管轄丁憂起復既經查明取結徑報學政應如所請毋庸由縣轉府至廩生遇有事故應扣廩餼事關錢糧未便刪減應仍照舊例辦理

據江蘓巡撫莊 疏稱斥革貢監及微末職員應行斥革向係單咨第督撫批革之日即可寃擬並不俟部覆始行承審嗣後應於季終由司彙冊核咨毋庸逐案單咨等語 應如所請嗣後貢監緣事督撫批革後即行寃審於季終彙冊報部摘叙簡明事由應斥字樣其革後審係應開復者仍單咨報部定議至微末職員斥革自應即行報部於冊內除名其中恐有選期已屆仍行銓選者

必俟彙報後再行扣除另選反滋繁瑣所請季冊彙咨之處無庸議

一 據陸任山東巡撫楊 疏稱私創寺廟該地方官應即隨時詳報

寃治如一年內果無私創寺廟應行取具印甘各結似可總於歲底申送等語 應如所請准其總於歲底申送

一 據調任福建巡撫陳 疏稱教官交代不過書籍樂器等項非有經手倉庫可比逐案咨部似覺繁瑣請改為按季將各員銜名交代清楚緣由彙咨等語 應如所請教官交代清楚准其改為按季造報其中或有交代遲延以及缺少樂器等項仍令單咨報部辦理

據調任福建巡撫陳 疏稱直省每逢鄉試奉部頒發科場條例

欽定四庫全書
禮部
歷科刊刷分給在場供事各官一體遵照但其中有舊例通行繼
又更改停止各省均有已刊之板止須刷印毋庸重頒等語查
每逢鄉試之年禮部預期題請將科場條例刷印頒發典試各官
及各省督撫布政使遵照辦理但從前舊例止刊刻至乾隆十二
年止此後尚未續增鏤板應請將乾隆十二年以後一應議准更
定條例由禮部卽行續增刊刻刷印於下科鄉試時頒發各省遵
照其前次已經頒過舊例毋庸再爲重給至屆鄉試年典試各官
仍行頒給以便遵行又稱將上科場後新增條例摘敘簡明條款
先期頒發增入刊刻等語查鄉試三年一科所有更定事件無
多科場條例向係十年一修如每科刊刻頒發未免繁冗卽有新
增條例令各省查照部行辦理應俟三科後彙增刊刻再行刷印頒發

據陞任廣東巡撫蘇 疏稱捐納貢監生如果敦本尚實行誼表
著者出結申送督撫提學卽加獎賞其有人品不端申送督撫提
學歲底造冊送部查核查捐納貢監生敦本尚實行誼可表地方
官查訪確實卽取具事實出結隨時詳請題報如果行劣敗倫特
符橫行亦卽詳請咨革其歲底彙冊詳咨似可刪除等語 應如
所請准其一并刪省
兵部議覆條款

據調任福建巡撫陳 疏稱查拿海賊鄭盡心餘黨定有四季取
結送部之例今海洋昇平久已寧謐應改爲年底彙報又據前任
兩江總督鄂 各稱文武官弁於海口內地照拿獲海賊例如果
無匪類按季結報亦可停止等語 應如福建巡撫所請准其改

為年底彙報其兩江總督所請停止季報之處應毋庸再行置議
據江南河道總督尹 疏稱武職員弁季報冊向係四季造送今
文職定議春秋二季各報一次應請武職亦於春秋二季造報一
次又據前任兩江總督鄂 疏稱候推守備并候補人員履歷向
係每季送部今現行例欵季報履歷定為春秋二季各報一次其
夏冬毋庸造報應循照春秋二季報部又據漕運總督瑚 疏稱
衛所守千履歷應照吏部所定之例兩季造報一次等語 應如
所請武職履歷季報冊亦照文職之例每年春秋二季各報一次
據前任兩江總督鄂 疏稱袁州九江二協并撫標各營凡官員
到任有無違限亦係每季報部查到任人員如有違限即於呈報
到任日期并繳限票文內聲明咨報今此項應請裁減毋庸季報

又據河南巡撫蔣 疏稱武職凡有應領劄票赴任官員到任後
隨即造冊咨部其按季造報之處永行停止又據陝甘總督永
疏稱提鎮標協營新任官到任即收具領劄任事日期冊領並文
內聲明有無違限日期緣由隨時呈送其按季造報似屬重複應
請裁除等語 應如該督等所請停其按季造報

一 據陞任山東巡撫楊 疏稱驛站長夫按季造報似覺繁碎請將
額設站夫令各屬於年終開造花名清冊並取各夫役並無短少
工食甘結申送其按季造報之處即行裁汰又據河南巡撫蔣
疏稱驛站額夫每季造具花名清冊申送實屬繁冗應請嗣後但
令道府隨時稽察無庸按季造報驛夫花名細冊等語 應如所
請驛站長夫准其統於年終造冊申送其按季造報之處准其裁

據江南河道總督尹 咨稱吏部定議凡候補候選及引

見人

員給咨赴部之後起程日期無庸另報在案請將武職員弁亦照

文職辦理等語 應如所請武職給咨赴部人員准其照文職之

例無庸另報起程日期 據江南河道總督尹 咨稱河營官兵俸餉每年取其監放餉米

并無扣剋印結隨奏銷揭送工部又四季咨送兵部兵科山西道

事涉繁碎嗣後兵部兵科山西道應送前項印結照造送工部之

例統隨奏銷時咨送免其按季造報等語 應如所請統於奏銷

時送部免其按季造報

據湖廣總督開 疏稱驛站夫馬疲缺扣剋令該道府稽查申報

自應照舊辦理至奏銷時仍復取結送部殊屬重複應請裁減統

歸請嚴驛站等事一案各該府按季查點足額具文申報每屆年

底取具冊結齎道轉詳報部以昭畫一等語 查驛站夫馬各該

道府既按季查點復於年底取具冊結報部應毋庸於奏銷時重

複取結

據湖廣總督開 咨稱侍衛併武進士出身履歷及親喪丁憂服

闕二冊俱造人季報總冊足備查核毋庸重複造送等語 查各

省季報內侍衛併武進士出身俱經開載所有另行造送原屬重

複應准其裁除至官員親喪有關陞轉仍應隨時咨報所請武職

親喪丁憂服闋一冊裁除之處應毋庸議

據陝甘總督永 疏稱兵丁倒斃馬匹已於請定歲底奏報冊內

欽定大清會典事例

兵

開造而嚴查冊內仍按月開造似屬重複應請嚴查冊內毋應再造等語 應如所請免其再造併飭各省督撫遵照辦理以昭畫

一 據陝甘總督永 疏稱各營買馬俱經隨時咨部嗣後毋庸年底彙咨等語 應如所請年底毋庸彙咨

一 據陝甘總督永 疏稱開收兵丁倒斃馬匹三冊已在嚴查官兵馬匹二冊內備造應請毋庸重造至官兵履歷每年嚴查冊內既已備造通行冊內似可毋庸再造如新任官員仍照舊造入通行再通行一冊每季造送總督彙送兵部提督毋庸再送兵部等語 查開收兵丁馬匹既於嚴查冊內造報通行季報冊內自應准其刪除但官兵履歷一冊凡遇查對事故俱應稽核應令該督仍

循舊例於通行冊內每歲兩次詳查報部至新任官員仍准其照舊造入通行冊內按季由該督彙送查核提督無庸重複造報

一 據陝甘總督永 疏稱試用武進士及候補守備履歷按季造報未免紛繁應請每年隨官兵通行兩次造報等語 應如所請准其於官兵通行冊內兩次造報毋庸按季造送

一 據陝甘總督永 疏稱延綏鎮每年嚴查冊內月報項下開送駐防分防塘汛弁兵馬匹各數目查固提各營原未按月開造今請將延鎮月報項下駐防分防弁兵馬匹各數目於十二月底開造一次以昭畫一等語 應如所請准其照固提屬於嚴查冊內歲底開造一次毋庸按月開造

一 據陝甘總督永 疏稱各提鎮每年按季將奉到部文年月日期

造報兵部似屬繁碎應請改爲年底彙造等語 應如所請准其改爲歲底彙造

一 據陝甘總督永 疏稱官員願

誥封日期及新任副叅履歷按季造報似覺繁碎請嗣後官員願有

誥封將領過日期隨時呈報其新任副叅到任者亦隨時造具履歷送

部均毋庸按季造報等語 應如所請停其按季造報

一 據四川總督黃 疏稱每年奏銷後例取各州縣並無假冒食糧

兵丁擾民印結分送部科查假兵擾民該管員弁原當隨時禁戢

逐年出結實爲具文等語 應如所請取具州縣印結分送部科

之處准其停止仍令督撫提鎮不時申飭文武各官嚴行查禁

一 據漕運總督瑚 疏稱隨幫武舉於掣缺請劄之時每員例應呈

繳飯銀一兩請嗣後每歲請發武舉在部掣定發給限票之時卽

令將飯銀就近繳部以省行催往返之繁等語 查分發武舉隨

幫於掣定發給驗票之時卽令就近在部呈繳飯銀至發往漕標

掣定幫次之後遇有事故另請換劄其換劄飯銀仍令漕督查明

解部庶免文移往返

一 據江蘓巡撫莊 疏稱五年一次軍政向係督撫提督會同考核

各自具題查總督統轄營衛巡撫提督自可不必各自具題請嗣

後總督會同巡撫提督會疏具題毋庸各自題達等語 應如所

請有總督省分考核軍政會同巡撫提督具題巡撫提督毋庸各

自題達

一 據江蘓巡撫莊 疏稱各標營兵馬奏銷案內實支冊向送兵部

二套似係一存兵部一送戶部但原有冊咨送戶部則兵部毋庸再行轉送戶部嗣後止送兵部冊一套已可備查等語 應如所請准其咨送兵部一套

一據陞任山東巡撫楊 疏稱各營馬匹例於年底在請定歲底等事案內如有應行裁汰均於奏銷冊聲明將實在馬匹造報題銷且歲底又將實在兵丁馬匹彙冊報部其按季造報之冊聲明裁汰馬匹仍係歲底奏銷冊裁汰馬匹又於四季冊內聲明造報似應裁減季冊止造四季總冊等語 應如所請各營騎兵馬匹如有裁汰按季造報准其裁減止今造具四季總冊報部查核併飭各省督撫遵照辦理以昭畫一

一據陞任山東巡撫楊 疏稱驛站奏銷先叙原額次叙康熙雍正

年間奉裁各款及

恩詔所開裁四復二數目實屬繁瑣應請刪減等語 查驛站奏銷原

照現年夫馬工料核算其節年原額裁復各款原可毋庸於奏銷案內重造應准其刪裁

一據調任山西巡撫胡 疏稱各關隘口出入人數按季報部未免繁瑣改爲年終彙咨等語 應如所請嗣後此項檔冊改爲年終造報

一據調任山西巡撫胡 疏稱充軍人犯向例巡撫給發文牌之後該司備錄全招報明兵部查核但本犯情罪已載在刑部咨內如恐無年歲籍貫似可另開一冊全招事屬繁冗嗣後軍犯發遣時抄錄部文造具年貌籍貫冊報明兵部毋庸抄錄全招等語 應

如所請嗣後軍犯發遣毋庸抄錄全招送部

據河南巡撫蔣 疏稱拔補汛防外委把總千總履歷冊俱於拔補之時隨咨送部年底造報之處似應裁減等語 應如所請拔補外委千把總履歷冊年終毋庸再行造報

據調任福建巡撫陳 疏稱分發各鎮標營隨標効力武舉遇有事故離營既經提鎮隨時咨部俱已有案可稽毋庸按季再行彙冊等語 應如所請毋庸按季再行彙報

據調任陝西巡撫鐘 疏稱各省武職員弁於受封之後因軍機獲罪及貪贓革職應追

誥勅者各有本案指名著追並無疎漏奉行至今並無應追之員每年通飭各屬查覆徒成具文似可停止等語 應如所請毋庸按季

咨報各就本案指名報部存案年終兵部查核彙齊請

旨如有疎漏將承辦官員指名查叅

據原任甘肅巡撫鄂 疏稱甘省正息銀兩經管州縣有將交運本銀及收獲息銀隨時具報者有按季同賞過紅白禮銀造冊奉報者參差不一查生息銀兩應令各州縣會同營員將收支動存數目畫一按季造報以免隨時具報之繁等語 應如所請辦理

刑部議覆條款

據江蘇巡撫莊 疏稱通緝之犯該州縣例應於奉文之後將無獲緣由每案具結由府加結轉覆案牘紛繁請嗣後除原籍查緝之犯如果並未逃回仍行取結轉覆外其餘奉部及外省咨緝人犯概令奉文之後留心訪緝果無在境年底彙冊總覆又據調任

安徽巡撫衛 疏稱通緝各犯例應於奉文之後將無獲緣由具結覆府彙齊加結轉覆各上司徒爲繁案請嗣後除咨原籍查緝之案如果並未逃回仍應加結轉覆外其餘奉部或外省咨緝人犯概令奉文之後留心訪緝果無在境統於年底彙冊總覆又據調任山西巡撫胡 疏稱緊要人犯現候質審者仍逐案咨覆其餘通緝人犯概於年底彙咨又據陞任浙江巡撫覺羅雅 調任福建巡撫陳 疏稱緊要人犯照例單咨回覆外其通緝案緝人犯令地方官留心嚴緝止應於年底止令造冊一套加結將歷年各案開載姓名結內送該管知府查明即將原冊送司覆核臬司核明彙結詳請送部仍將原冊送院備案毋庸招冊報部又據原獲江西巡撫王 疏稱謀爲不軌侵盜錢糧等項重大案犯併初次

奉部及外省咨緝人犯仍按限查辦其餘脫逃之犯查緝無獲統於年底彙造冊結分送毋庸逐案詳咨又據調任陝西巡撫鐘 疏稱通緝人犯于敬陳芻蕘等專案內緝拿無獲年底造具冊結報部而彙覆通緝人犯在叅送案內止將無獲緣由詳內聲明彙題並不造具冊結同係年底彙覆而冊結或有或無辦理互異嗣後亦照叅送事叙文報部毋庸查造冊結又據陞任廣東巡撫蘓 疏稱嗣後凡有通緝未獲人犯統于歲底彙冊咨報毋庸逐案申報又據陞任廣東巡撫蘓 疏稱奉部通行查緝侵盜錢糧案犯董起弼偷盜庫緞案犯盧九偷創明朝王子墳塚案犯李萬全妖言聚衆案犯焦養祿等查拏以來屢緝無踪歲底具結題報似屬紛繁應請將逃犯董起弼等歸於通緝案內一體查拿如果無獲

歲底彙冊報部毋庸轉案題報又據陸任廣東巡撫疏稱嗣後通緝案緝人犯止摘敘事由毋庸再將原准部文抄錄詳咨又據貴州巡撫定疏稱奉部及隣省通緝人犯境內密爲查緝如果無獲卽於年底彙覆不必逐案出結等語查咨原籍查緝之犯並未逃回及現候質審緊要重大案犯並初次奉部行外省咨緝人犯應仍逐案按限結覆外其餘一切尋常通緝人犯業於在京酌歸簡易案內改爲年底彙報通行在案應毋庸再議仍令各該督撫將各屬曾否實心查拿之處年底咨報文內聲明其所請通緝案緝人犯毋庸招冊送部並行文報部毋庸復造冊結及原准部文毋庸抄錄之處均應如所請辦理其案犯董起弼等亦准其歸於通緝案內一體辦理

一據江蘇巡撫莊疏稱人犯患病正印官互相委驗有悞職時請

改委佐雜驗報毋庸委正印又據調任安徽巡撫衛疏稱案犯

患病例應委驗正印官互相驗看每多扶同率結請改委該管府

州佐貳及經歷照磨等員驗報不必委隣縣正印又據原任甘肅

巡撫鄂疏稱監犯患病俱委鄰近州縣查驗但州縣各有專責

嗣後凡遇監犯患病係知府所屬者卽委經歷教授查驗係直隸

州所屬者卽委州同州判教職等官查驗等語查案犯患病就

近委經歷州同州判佐雜等官查驗具結專屬可行應如所請案

犯患病准其改委佐雜驗看結報至教授教職均係本省未便干

預政事所請改委教授教職驗病之處毋庸議

一據直隸總督方咨稱州縣審詳供詞稍有參差無關罪名輕重

或案情已定擬罪未協核轉衙門應卽核明更正一面行知毋庸
駁詰又據原任甘肅巡撫鄂 疏稱斬絞人犯錯擬及案情尚有
疑竇者仍駁令確審若情節已無疑竇而案內或有軍流徒杖錯
擬者司府直隸州卽改擬審轉不必駁審等語 應如所請斬絞
人犯錯擬及案情尚有疑竇者仍駁令州縣確審其軍流等罪錯
擬而案情並無疑竇者司府直隸州准其卽行改擬毋庸駁審
據直隸總督方 咨稱地方一切應禁事件每季出結申送非特
無益抑且滋弊應概行裁省惟責成該管道府體察一有發覺立
卽揭叅又據調任甘肅巡撫鄂 疏稱查緝賭博賭具私宰私茶
私盜私鑄私銷及私販硝磺邪教窩娼等項向係按季出結賚報
徒滋繁曠應將所請按季出結之處停止等語 應如所請地方

一切應禁事件按季出結申送之處准其停止惟令該管道府勤
加體察

據陞任山東巡撫楊 疏稱咨結軍流等案照常簡叙各案情罪

入疏毋庸將各案原招造迭又據河南巡撫蔣 調任陝西巡撫

鍾 疏稱軍流遣犯咨結之後年底彙題只於詳內每案叙明事

由免其再行抄招造冊又據陞任浙江巡撫覺羅雅 調任福建

巡撫陳 疏稱擬遣一切軍流等案既已逐案造招咨部歲底彙

題時將每案摘叙簡明隨本送部免其再造全招又據原任甘肅

巡撫鄂 疏稱擬遣咨結之案業已備叙原案年底彙題時毋庸

再行造冊其過天殺人按季彙題之案亦照此辦理又據陞任廣

東巡撫蘇 疏稱歲底彙題審過軍流罪犯止須逐案叙明事由

大吏均請旨 欽此

毋庸再行抄招咨送等語 應如所請軍流人犯咨結後年底彙題將案情摘叙疏內毋庸再造招冊送部其過失殺人之案亦照此例辦理再過失殺人之案已經山西巡撫題明年底彙題現在准行應免其按季彙題

據江蘇巡撫莊 調任安徽巡撫衛 疏稱重罪立決之犯及侵貪官員監追限內病故者仍特疏題報外其餘監候人犯病故隨時咨部統俟年底彙題又據調任山西巡撫胡 疏稱立決重犯病故仍隨時具題其餘監候人犯病故請免逐案具題統于秋審時將病故人犯彙題又據原任湖南巡撫范 疏稱監候斬絞人犯病故者每歲於四月內秋審以前查叙各案罪由開具獄官職名彙題一面既於秋審本內開除其擬以立決人犯於未奉部覆

以前在監病故或秋審情實奉

旨勾決未經刑監斃在獄者仍照例單題等語 應如所請立決重

犯及侵貪官員監追限內病故併奉

旨勾決尚未典刑監斃在獄者仍應專本題請其餘監候人犯病故應令該撫等隨時咨報刑部仍於秋審本內彙題

據湖廣總督開 原任湖南巡撫范 疏稱流犯在配脫逃關會

原籍協緝如果未逃回歸於年底通緝冊內報部不必逐案頻咨等語 應如所請嗣後軍流遣犯配所逃回原籍地方官於奉文之後作速上緊緝緝如果無獲統於年底通緝冊內彙行報部毋庸逐案單咨

據調任山西巡撫胡 陸任浙江巡撫覺羅雅 調任福建巡撫

陳 調任陝西巡撫鐘 原任廣西巡撫李 疏稱過失殺人收贖之案奉部覆准之後應照軍流之例於歲底彙案題報如無則咨部查核等語 應如所請各省過失殺人咨部完結統于年底彙題如無此案准其咨部查核

據河南巡撫蔣 疏稱嗣後熱審減免人犯既經題咨停止年底彙題又據調任福建巡撫陳 疏稱閩省夏月停訟熱審期內並無減等之案逐年具題實屬虛文請無庸具題又據湖廣總督開 疏稱熱審期內咨杖減免人犯俱於咨題內聲明減免完結應請免其造報彙題又據原任湖南巡撫范 疏稱熱審杖罪減等咨杖寬免照例定議分別題咨原報有案可稽歲底請免彙題等語 應如所請熱審減刑人犯既經題咨者免其歲底重複彙題

福建省如無此等案件免其逐年具題

據江蘇巡撫莊 調任安徽巡撫衛 疏稱追贓人犯除侵貪官吏等案仍照例限監追外其搶竊盜贓及命案埋葬銀兩審定之日即嚴行比追如果力不能完于結案之日起限一月內取結詳免照原擬發落等語 除侵貪官吏仍照例限監追外查搶奪竊盜之贓著地方官於定案之日嚴行比追如果力不能完自可隨時取結詳免不必另定一月之限至埋葬銀兩係卹死者之項自應照例限追所請一月詳免之處毋庸議

據江蘇巡撫莊 疏稱內結贓贖銀兩請照安徽之例歸請

青事案內并案題報無庸另本具題又據調任山西巡撫胡 疏稱內結贓贖變價銀兩俱照外結贓變之例統于年底彙題毋庸按季

報部等語 應如該撫等所請辦理

據陞任山東巡撫楊 調任山西巡撫胡 疏稱填報稽刑簿一

案查州縣用刑如果酷刑虐民豈肯自行填報稽刑簿應請裁減

等語 應如所請准其刪除

二 據調任山西巡撫胡 疏稱起解軍流人犯向例造送全招原以

備應軍應流地方查核但軍流既有議罪原案情節已經著明則

全招事屬重複請嗣後免其造送又據原任甘肅巡撫鄂 疏稱

發遣軍流人犯地方官請遣時備造招冊及年貌咨送發遣省分

備案伏思應擬軍流咨題各案俱有部文案情已甚明晰應將部

文造冊毋庸備造全招其年貌冊亦於冊後附列等語 應如所

請軍流人犯咨送發遣省分准其免造全招

一 據直隸總督方 咨稱州縣自理詞訟按月造報但上司之所憑

以考核者全不在此應將州縣自理詞訟停其按月造報惟令道

府巡行之便留心訪察摘案稽查尚有不公沉摺隨時揭叅又據

雲南巡撫愛 疏稱州縣及廳衛等官將每月自理事事件按月造

報實若繁碎嗣後州縣自理事事件按季送該管知府查核府廳自

理事事件按季送該管道查考如有違限拖累道府查明詳揭又據

調任山西巡撫胡 疏稱州縣自理詞訟循環簿每季申送上司

查考應請裁減又據原任甘肅巡撫鄂 疏稱州縣自理事事件該

立循環簿每月填註齎送註銷應請更為按季填註簿內送知府

直隸州查核註銷又據貴州巡撫定 疏稱州縣自理一切戶婚

田土設立循環簿每月送府查核徒見紛繁應請停止等語 查

州縣自理詞訟應專責該管道府隨時訪查如有枉縱遲延等弊
卽行揭叅其所設循環簿及月報季報應如所請概行停止再雲
撫甘撫所請月報改爲季報之處亦應停止以昭畫一

一 據陸任山東巡撫楊 疏稱州縣用刑不當察出卽可指叅如果
酷刑虐民豈肯自行填報稽刑簿似屬虛文應請停止又據調任
山西巡撫胡 疏稱各屬衙門每季將用過夾刑數次登入稽刑
簿申送上司查考查有無濫刑該州縣豈肯據實登填是稽刑一
簿實屬虛文應請刪除又據河南巡撫蔣 陸任廣東巡撫蘇
疏稱督撫設立印簿飭令問刑衙門將用刑次數填註年底繳核
但承審之員何肯將濫刑據實揭報嗣後用刑次數俱隨招內聲
明不必年底造送等語 應如該撫等所請准其一併刪除

一 據調任甘肅巡撫鄂 疏稱監犯設立循環簿將每日出入監犯
名姓填註簿內按月送府州查對之處停止又據雲南巡撫爰
疏稱問刑衙門設立循環簿將每日出入監犯名姓填註按月申
送該府查對應改爲按季填送等語 查州縣出入監犯姓名按
日填報固屬繁碎卽改爲按季填報亦屬具文應一體停止

一 據陸任浙江巡撫覺羅雅 調任福建巡撫陳 疏稱各屬牢獄
堅固禁卒足額若令按年出結似屬重複應請無庸飭取送部等
語 應如所請准其停止歲底取結送部

一 據陸任山東巡撫楊 咨稱奉准部咨軍流到配收管與埋墓銀
兩領狀旣減爲按季彙報其軍流起解日期亦請改爲按季彙報
如有應追埋墓銀兩取具領狀無力完銀者照例取結同起解日

期一并按季彙詳咨部又據河南巡撫蔣 疏稱本省軍流人犯
解赴外省者起程日期毋庸逐案咨報統於下季將前季各案彙
咨其收管人犯卽自收犯省分一面咨覆本省一面送部如本省
有收到別省人犯亦照式分送等語 查軍流各犯到配在京酌
歸簡易案內題明按季彙報在案毋庸再議其應追埋葢銀兩無
力完解者同起解日期照例取結一併按季彙咨至解部外遣人
犯仍照舊例逐案咨部

據陸任浙江巡撫覺羅雅 疏稱各屬並無自理贖銀每年歲底
向係題報但此事件有則造冊具起如無此事件不過備案似可
改爲咨部又據湖廣總督開 調任湖南巡撫范 疏稱承追贖
贖與自理贖銀請於每年六月將上年已未完及解部支銷各數

目統歸一案具題等語 應如所請承追贖自理贖銀兩准
其每年於六月間將上年已未完及解部支銷各數目聲明統歸
一案具題如無自理贖銀事件准其改爲咨部

據原任廣西巡撫李 疏稱造送贖銀兩冊籍僅於題報事案
內造送將咨查事一案免造又據四川總督黃 疏稱承追贖
凡准到原案及追完若干或已全完均各咨報造入季冊候撥立
法已備而每年又行彙造總冊咨送似屬重複應請停止等語
應如該撫等所請辦理

據湖廣總督開 調任湖南巡撫范 疏稱軍流罪犯及過失殺
入之案咨結後已無駁詰之處若令外省於年底彙題實屬重複
嗣後聽內都照案彙題以免外省咨題之繁等語 查外省軍流

人犯及過失殺人案件咨部完結之後例應該督撫彙題該撫等所請由部彙題之處毋庸議其過失殺人案件應照山西省之例統於歲底彙題以昭畫一

據直隸總督方 咨稱真正命盜案件及犯該徒流以上等罪或尋常案件案犯未齊贓跡未明併案內有生監職員應通詳視革者均照舊例辦理外其餘自盡路斃之人命贓未滿貫之竊盜傷非金刃驗經平復之間毆以及和姦聚賭私宰私燒等案罪止枷杖者初審時情節既明應卽隨詳定擬請結毋庸候批覆審又據四川總督黃 疏稱一切自盡命案其中有被勒而假裝自縊被溺而捏稱自溺者俱應照舊具詳候批至旅店道路病故八等已經驗訊明確應令該州縣出具圖結用驗文申報立案不必具詳

候批又據四川總督黃 疏稱竊贓無幾罪止杖責並賭博毆私宰燒鍋和姦罪至枷責外結事件請飭州縣於獲犯時訊確供情卽定議詳結不必候批覆審又據貴州巡撫定 疏稱事主赴州縣呈報失竊經獲贓賊事主認贓明確該犯供招輸服徒罪以上通報飭審由府司核轉外其罪止杖刺州縣卽定擬通詳上司核明批示發落如情節未確仍批行復查倘僅擬罪未協不妨核正指批遵照等語 查罪止杖刺枷責及自盡路斃人命例應外結等案應如該督等所請令州縣官卽行定擬通詳上司完結毋庸候批覆審如情節未確仍批行復查倘僅擬罪未協准上司核正指批遵照辦理

據江蘇巡撫莊 疏稱招冊首例招頭摘叙通案所犯情由後列

招尾倭叙案犯年歲籍貫罪名及應追贓罰等項但所犯情由與年歲籍貫罪名追贓等項已于口供看語逐一載入今復備叙事屬重複再題招案件除揭帖分送部院科道外又有臬司方冊附送刑部亦屬重複均請刪減又據調任山西巡撫胡 疏稱招解案件之招頭招尾問語詰供宜概行裁減其府州看語似應止須叙入覆審無異至直隸州由道審轉事件亦照此辦理又據原任湖南巡撫范 疏稱隨本分送部科院司道揭帖原照題本繕送不叙府司供看而三法司衙門揭帖添叙府司供看但府司案轉惟據縣審供看並無互異請嗣後府司供看即存撫臣衙門條案移送法司衙門揭帖毋庸添叙又臣衙門審錄犯供即與縣供無異歷將親審供單錄送刑部但縣供已備叙送部揭內復錄送俱

單殊屬重複應請刪除又據原任廣西巡撫李 疏稱問刑衙門定擬死罪及軍流等罪一切招詳將招頭概行刪除又一應罪犯州縣審訊叙供解府府審止聲明與縣審無異嗣後司審亦如府審止聲明與縣審無異一語即為加看毋庸重複叙供併臣衙門覆審口供亦請一體刪減毋庸錄送內部等語 查揭帖內例將犯証口供審官究詰及各上司指駁條款逐細詳叙原以備查核應仍遵舊例詳載外其招頭招尾本屬具文可以刪節審案供看司道府州與縣審無異者准其裁減止叙覆審無異一語不必將供看重叙至臬司方冊及巡撫親審供單向來俱與縣供相同亦應如該撫等所請毋庸重複造送

據陞任浙江巡撫覺羅雅 疏稱問擬軍流徒罪等犯分別加責

准其留養之案按季造冊彙題未免紛繁應請於年底彙題如年
內並無此案仍請咨明內部又據調任福建巡撫陳 疏稱軍流
人犯原係年底彙題如例准留養之案反於每年季彙題未免紛繁
應請統入年底彙題其徒犯例不容部應聽督撫批結毋庸咨部
等語 應如所請軍流等犯例准留養之案准其改爲年底彙題
如年內無此案件准其改爲咨部至於徒犯准令督撫批結免其
咨部

據陞任山東巡撫楊 疏稱東省向來辦理竊案乾隆十六年更
定成規民間竊案無論失贓多寡概行訊取供結通詳以期地方
官上緊比緝意非不善乃行之已及兩年而竊案未減獲賊甚少
卽所失無幾必拘事主地鄰訊供取結往返守候恐書役藉此需

索小民以報竊爲累請仍循向例遇有計贓在四十兩以上者卽
訊供取結通詳其四十兩以下者仍填簿按季彙報獲贓之後審
明贓真供確卽定擬通詳候批發落如有諱匿及減報贓數情弊
照例叅處又據原任甘肅巡撫鄂 疏稱竊盜計贓在徒罪以上
或首犯未獲尚須緝審者仍照舊例外倘鼠竊之案贓賊俱獲審
無竊劫別案罪止擬杖者該地方官卽審明刺責發落通報立案
若竊案計贓在徒罪以下未經舊賊者按季造冊彙報飭緝毋庸
逐案通詳等語 應如該撫等所請辦理

據陞任浙江巡撫覺羅雅 疏稱各屬並無衙蠹贓私每年歲底
回係題報但查此等事件有則自應照例造冊具題如無此事件
不過脩案似可改爲咨部又據陞任廣東巡撫蘓 疏稱訪拿衙

欽定四庫全書
刑部
蠹賍私歲底造冊題報事屬繁碎請嗣後州縣如無衙蠹賍私毋庸空文具覆如迴省無衙蠹賍私並免詳咨等語 查各省每年並無衙蠹賍私即改為咨部亦屬繁碎應如廣東巡撫所請辦理以昭畫一

據奉天府府尹鄂 疏稱自盡命案如果窮困無聊或患病痛苦難受輕生自盡專案詳報徒滋案牘應令各州縣按季彙冊造報等語 應如所請自盡命案查無別情准其按季彙報

據湖廣總督開 疏稱命盜等案內保甲鄰証及干連人等除必須質証者仍聽摘提訊供外其餘無關緊要之人不必傳喚覆訊等語 應如所請辦理

據陞任山東巡撫楊 疏稱地方官批准呈詞被証一齊原告不行到案即照例不與審理獲日仍以誣告坐罪若上司批審事件原告不到者州縣即將原告不到緣由據實詳結如原告實係患病許地保驗明出具切實甘結報明地方官若無代審之人准其暫俟病痊之日再行審理倘有捏病遷延及藉稱他往則理屈情虧更可概見照例坐以誣告地保混行出結分別有無受賄治以應得之罪等語 查例載告言人罪不即赴審輒行脫逃獲日治以誣告等語蓋脫逃則其情必虛若果患病及有事他往如奔喪應試之類俱應取具鄰佑地保人等甘結准其於病痊回家之日赴審或有扶同捏飾者察出治以誣告之罪

據調任山西巡撫胡 疏稱命盜案件揭帖所有應行核罪之刑部都察院大理寺仍應照舊全本揭帖至刑科起居注通政司河

南道山西道各衙門應請止錄題看毋庸全本揭帖等語 應如所請嗣後河南道起居注准其止錄題看免送全本揭帖其餘通政司刑科山西道應仍照舊用全本揭帖

據河南巡撫蔣 疏稱秋審略節冊將重叙不覆之處悉行刪除後尾查語再加詳盡聽候核議至節年奉

旨緩決之處似應將某年秋審定擬可矜部改緩決某某等年秋審定擬緩決俱奉

旨緩決欵遵在案只須統叙庶爲簡易等語 查秋審後尾原奉部文既經條叙於前即可出加看語應如所請准免重叙于後其節年奉

旨緩決之處亦應如所請只須統叙毋庸逐年叙明

據河南巡撫蔣 疏稱豫省一切解部人犯照依閩廣等省之例令該管州縣詳請一面咨部一面給發兵牌逐層遞解仍移會沿途經過州縣照例撥發兵役委令員弁獲送前進赴部投收該州縣無庸僉差具批亦免領取票照惟請內部於人犯遞到後知照本省轉行備案等語 應如所請豫省解部發遣人犯俱給發兵牌逐程遞解到部訖將收到緣由知照該撫無庸僉差長解如有緊要人犯應行僉點長解嚴爲防送者仍令該撫選差幹役及兵弁以轉長途責成

據河南巡撫蔣 疏稱徒犯到配驛收與追贓給主領狀除給主贓內有力不能還例應題豁者仍照例請題外其餘一切題咨案內追贓給主領狀等項與徒犯到配驛收俱令該管州縣由府司

呈送巡撫衙門備案毋庸逐案咨部等語 查驛收領狀等項僅正送院備案則刑部憑何查核應令該撫將題咨案內徒犯到配驛收與給主贓銀領狀俱按季彙行送部查核

據河南巡撫蔣 疏稱歲底彙題決過人犯應止叙每起案由及監刑文武職名與處決年月日期其有文武官公出及人犯先已在監病故併遇停刑月日稽遲緩決例應聲明者逐一聲明俱免其全叙咨部等語 應如所請免其全叙咨部

據河南巡撫蔣 疏稱命案減等之犯應追埋葬銀兩如果貧難無力完繳卽行詳明請給護牌發遣其無力完銀之處取具印甘各結同該犯起解日期一併按季咨部等語 查埋葬銀兩例應勒追一年令地方官確查追完以卹死者之家應照例按限勒追

如年限已滿查明實係無力完繳將該犯一面發配仍將無力完埋之處取具印甘各結同該犯起解日期一併按季咨部

據河南巡撫蔣 疏稱拿獲逃人向係州縣徑行解部上司衙門無案可稽是以歲底行查今拏獲逃人俱係隨時咨解部旗歲歲造報應請裁減等語 應如所請准其裁減

據河南巡撫蔣 疏稱通解軍流口糧每年報銷之時例應飭取各州縣印結詳請保題但通省州縣甚多逐一取結似覺繁碎請嗣後此項印結照依通緝案緝人犯之例責令各州縣出具印結申送府州存案該府州出具總結送司以便轉呈保題等語 應

如所請辦理

據陞任浙江巡撫覺羅雅

疏稱家長殺死奴婢罪止杖責枷號

次定酌請簡易條款

例應收贖者請照軍流罪犯之例於年底彙冊具題如無此案牛
谷部查核等語 應如所請辦理

據原護江西巡撫王 疏稱獲賊竊案例於年底造送牌甲舉首
失察清冊查牌甲舉首失察俱於各本案隨詳議結年底免其造
報等語 應如所請免其年底造報

據原護江西巡撫王 疏稱囚糧奏冊務須監口起止數目相符
江省所造之冊但摘叙部文罪名查應給囚糧之犯已經咨題完
結之案內部有案可稽嗣後查造囚糧冊籍摘叙緊要數語查明
監口起止數目其餘案情與囚糧無涉者概請免叙等語 應如

所請辦理

據原護江西巡撫王

疏稱已未完贖止於按察使查造奏銷

考成二冊詳題其移藩司彙詳請題贖贖應免查造等語 應如
所請辦理

據調任福建巡撫陳

疏稱各屬州縣審理案件律例自應講解

引斷務臻平允年底冊報應請議裁等語

應如所請准其裁汰

據調任福建巡撫陳

疏稱命盜案內脫逃首犯有應行議處者

應仍行具題彙叅一次之後如無應叅之案止須統入通緝案緝

案內年底咨部等語

應如所請辦理

據調任福建巡撫陳

疏稱各省難結事件請將按季造報之案

照造毋庸年底重造其因要犯未獲監候待質之案應俟獲犯審

結之日造報註銷毋庸每季造冊等語

應如所請各省難結事

件將按季造報之案照造毋庸年底再造其有因要犯未獲監候

待質之案毋庸按季造冊應令年底造冊彙報查核

一 據原任湖南巡撫范 疏稱各省遞解軍流等犯及護送歸旗家口原有兵牌尾單及長文為憑嗣後除緊要重犯仍先期飛咨前途預飭經過州縣遵照外其平常軍流遣犯與旗員家口歸旗可不必咨明前途轉飭等語 應如所請辦理

一 據原任湖南巡撫范 疏稱每年獲解旗逃例應報部湖南辦理此案無論有無獲解俱將各府道職名及接卸日期造冊報部請嗣後如有拿獲逃人分別有無失察咨部如無獲解只將並無獲解緣由咨部不必開造職名等語 應如所請辦理

一 據陸任廣東巡撫蘇 疏稱粵東三直隸州承審案件連州嘉應二州俱係徑解按察使衙門惟羅定一州則由肇羅道審擬解司

但連州嘉應二州承審案件既經徑行解司羅定同為直隸知州應請一例徑行解司俾案可速結等語 應如所請羅定州承審案件徑行解司俾案可速結

一 據原任廣西巡撫李 疏稱應追贖銀兩照例按年造冊報部之後凡追出贖批解到司均逐案移貯藩庫取具庫收逐案叙詳咨部內部亦逐案咨覆殊屬繁碎請嗣後造報自理外結之贖贖各屬批解到司均按季摘叙簡明案由彙造總冊移貯藩庫取庫收咨部等語 應如所請辦理

一 據雲南巡撫愛 疏稱州縣審理一切刑名案件招報道員其知府審轉及督撫審核批示之後又令詳悉錄報實屬紛繁應請刪除等語 應如所請准其刪除

據貴州巡撫定 疏稱會審會勘事件事涉兩邑及關涉兩省者
往往經年累月不克審勘嗣後除案情重大發審之初卽委員會
審及事有必須會審會勘者仍會同審勘外凡事涉兩邑或有關
兩省者照律以輕就重以少就多以後發者就先發官司併問原
被告在兩處州縣者聽原告就被告官司審理事在本省者詳明
本省督撫批定如事涉兩省者通詳兩省督撫批定一切應提犯
証聽承審官行文勾取卽行解發倘有指延等弊許承審官通揭
查叅審明之日在本省者仍由府司分別審核詳結在兩省者亦
由承審之府司分別審核通詳兩省督撫候批飭結等語 應如
所請准其減省

據貴州巡撫定 疏稱初入秋審各犯仍照舊叙供以昭慎重外
其審過一次者上屆秋審已經錄供下次卽據現在審看分別酌
擬矜緩情實免其重複叙供等語 應如所請准其減省

據貴州巡撫定 疏稱已經定案之斬絞軍犯在監病故及已經
到配之軍流人犯在配身故本管州縣驗無別情卽訊取各項人
等供甘各結填圖報府由司轉詳卽行分別題咨其軍流妻屬有
應行回籍及應喚親屬前來伴領者亦卽於文內聲明請咨再不
必重複批審等語 應如所請准免重複批審

據浙江杭州將軍薩 咨稱發遣當差爲奴各犯解到收管逐案
咨報又復入於逃人冊月報及年底彙報似屬繁複應請改爲按
季彙報等語 應如所請辦理

據浙江杭州將軍薩 咨稱發杭爲奴當差等犯在配病故及例

應回旗回籍之妻子咨請部示然後給咨回旗籍之處統於年底
一果報病故遣犯免其逐案咨報回旗回籍之妻子免其請示即行
照例給咨回旗回籍等語 查遣犯妻子攜骸回籍例有請

旨回籍給咨回籍之分除例應請

旨回籍者仍照例辦理外其例應給咨回籍之犯屬同各犯病故緣由
統於年底報部查核

一據浙江杭州將軍薩 咨稱旗下壯丁暨發遣為奴人犯逃走與

被獲向皆隨即咨報復又逐月造冊咨報仍于年底彙報今請逐
案隨時咨報外仍於年底彙報免其月報等語 應如所請辦理

工部議覆條款

一據原任河東河道總督顧 陛任山東巡撫楊 疏稱運河各閘

每年添換繩板閘具例係動用河銀於歲報案內報銷現任泇河
廳所屬歲換閘具循照辦理其運捕上三廳所屬各閘每年添換
繩板閘具令動司庫耗羨銀兩必須奏明動用一案而岐請自乾
隆十八年為始照泇河廳之例一例動用河銀於歲報案內報銷
等語 應如該督等所請辦理

一據直隸總督方 咨稱各處興作工程例應先造估冊送部工竣
造冊報銷始奉部駁核減其時錢糧已經動用復經追繳經手之
員或有陞遷事故輾轉咨追徒延歲月查各項工程似應於原估
冊內按照則例詳加核算如有浮多即行核減飭令經手之員遵
照更正據實辦理工竣造冊報部查於原估相符即予准銷等語
查修建工程預將工料估計有已估而不必修理處所應行減

省者亦有估而未周應行加增者皆係隨時辦理若如所請恐承
修之員草率工程任意浮冒委勘之員扶同出結徒開侵冒之端
於工程錢糧無裨應將所請先核估冊之處毋庸議至所稱工竣
報銷始奉部核減恐經手之員或有陞遷事故輾轉咨追徒延歲
月之處亦爲慎重錢糧之道但直隸等省修理工程銀兩往往有
咨報先行給發十分之八及陸續撥給者嗣後各省一切工程所
估銀數如係些小粘補需費無多者卽行照估全給若銀數在千
兩及萬兩以上者若將銀兩遽行全給勢必有那移虧空事後難
以追繳應令計銀數之多寡酌量先撥數分令其辦理俟工程完
竣報銷如實在與例相符應行准銷仍照數找給或有與例浮多
應行核減卽可於此內扣除

一據前任兩江總督鄂 疏稱各營修造戰船例有一定年限所需
工料動用部價協貼銀兩亦有一定成規向係逐案詳題未免紛
繁嗣後凡有修造戰船按年分爲四季辦理俱於季前預爲彙案
造冊題估毋庸逐案分辦其工完報銷遵照定限亦請按季彙題
所有請領錢糧於估冊送到時核明銀數相符仍照舊先給八分
部協銀兩飭令備辦如議覆准行請自本年秋冬爲始遵照辦理
等語 應如所請江蘇安徽江西等省嗣後修造一切內河外海
戰船准其按年分爲四季辦理俱於季前預爲彙案造冊題估報
銷以省奏牘其請領部協銀兩先給八分之處仍照舊例辦理

據江南河道總督尹 疏稱南河豐碭銅沛邳睢宿虹桃源外河
山安海防江防水利等十廳每年歲修工程向來十月題估次年

四月題銷俱係每廳各具一本統計題本二十次事屬繁冗請嗣
後照搶修之例准徐道屬各廳彙爲一本准揚道屬各廳彙爲一
本等語 應如所請南河各廳每年歲修題估題銷准其照搶修
之例准徐道屬各廳彙爲一本准揚道屬各廳彙爲一本以昭畫
一

據陞任浙江巡撫覺羅雅 疏稱各直省應修堤岸上司親往查
勘如工程不堅水災冲决即將經管官指名題參仍於歲底查所
轄堤岸有無冲决造冊報部又各屬支河港汊誠於農隙開濬蓄
洩有資如地方官實心奉行開濬有方督撫將伊等實蹟奏

聞如或怠惰偷安督撫卽題參議處查此案係年例通查年底取結造
冊報部今請改爲彙詳咨部所有冊結似屬可刪等語 應如所

請堤岸河道各工每年取結造冊報部之處准其改爲彙詳咨部
所有咨部冊結均准其停止造送

據調任福建巡撫陳 疏稱各屬造廠製造磁器不許擅寫字跡
年底取結送部徒滋胥役藉端需索應請議裁等語 應如所請
准其裁汰仍令該撫等於每年年底嚴行出示禁止

據調任陝西巡撫鐘 疏稱外省工程委鄰近州縣赴驗或碍同
官情面不肯據實攻發或本任事繁不能細加察勘請嗣後所有
工程告竣卽令該管府州并道員親往查驗如果冒銷草率立卽
指參倘係合式無浮出具印結隨冊送部無庸飭委鄰近州縣往
驗等語 查各省工程大小不一若以零星粘補歲修各工概令
該管府州道員親往查驗於本任事件轉致曠廢嗣後凡係些小

工程仍照舊例委員查勘外其銀兩自數千兩以上者應如所請令該管府州及道員於工竣之日親臨據實查驗如有冒銷草率等弊立即揭叅如果合式即行出具並無浮冒捏飾印結附冊報銷

一據陞任廣東巡撫蘓 疏稱入額內河槳船凡該年屆應修造之船一起彙案題估報 其額設外海繪船拖風等船與額設內河槽槳各船請照修造入額槳船之例凡值該年修造者一起彙題請餉報銷預於六個月之前將該年所修造之船分別外海內河二案各列清冊請題撥項於請餉冊內列明各船修造年限依期修竣彙冊報銷如有被風擊碎雖應另案請題造補將來屆修仍復彙入該年一起請修實為簡便又通年修造船隻例應歲底照

該年修造過船隻名號及動用款項銀數復行彙冊報部存案今各船既經統歸一起請餉報銷所有修造過船隻名號動用款項銀數歲底彙冊造報之處應請裁減等語 應如所請辦理以歸簡易

起居注議覆條款

一據江蘓巡撫莊 疏稱一切題本具揭送 查外省所送揭帖部科皆有稿起居注館者蓋國家政務應垂 國史是以錄送備查則凡無關政治如重犯監故之類亦行揭送殊屬無謂但何者應送何者應停未便遽議應請

勅部定議指明條款飭遵等語 查外省所送揭帖部科皆有稿起居注就近可以行查所有一切題本具揭應停其齎送

國子監議覆條款

一據河南巡撫蔣 疏稱貢監未經考到諸生督催赴監肄業其有
丁憂病故起復四季造冊報明部監仍於每季另造一冊詳送轉
咨國子監事屬重複查四季造冊一案現在議裁歸於年底四柱
總冊此案亦應併入四柱總冊每年彙報一次等語 應如所請
凡遇貢監事故彙入年底總冊報明以備稽查毋庸另行季報
一據河南巡撫蔣 疏稱未經考到監生勒限督令赴監肄業其已
經到監者造冊咨報每年歲底令各府州縣將一年內考到監生
查冊報監仍歷年年底通行各屬查報各府州縣申覆並無考到
監生無憑造冊詳報咨覆通年查辦均屬空文應請停止等語
應如所請停止

倉場總督議覆條款

一據漕運總督瑚 疏稱浙省起運和船帶交蘆蓆數日向係糧道
造冊詳送臣衙門咨送戶部倉場查核糧道復又造冊差役賫送
倉場衙門同一冊籍兩次分送似屬重複且各省和船俱有帶交
蘆蓆並不造冊咨送緣蓆數係按糧計算既有糧數即可料算蓆
數是以各省俱不咨達亦未准移取統於奏銷案內彙報所有浙
省兩次造送蘆蓆文冊似應請免造送等語 應如所請免其造
送

吏部議駁條款

一據河南巡撫蔣 疏稱各官遇有事故隨即咨報部科已有案可
稽似可毋庸於咨報之後再行彙詳所有按季彙報部科之處應

請裁減又據陞任山東巡撫楊 疏稱現任官員病故係隨即題
 咨開缺並非俟報到缺官方行開缺其造報缺官之案應請停止
 又據調任山西巡撫胡 疏稱官員缺出俱隨即咨題後無懸缺
 不補之事季報缺官應請停止又據原任湖南巡撫范 疏稱州
 同以下各官遇有丁憂病故休致終養叅革等項均係隨時開缺
 各省所造缺官冊應請裁刪又據陞任廣東巡撫蘇 疏稱佐貳
 雜職各員事故報缺俱已專案詳咨其四季冊報應請刪除又據
 原任廣西巡撫李 疏稱佐雜人員如遇推陞丁憂事故俱已隨
 時開缺按季造冊咨送應請刪除等語 查在京酌歸簡易案內
 業將各省所報缺官冊停其造送通行在案毋庸再議
 據陞任山東巡撫楊 疏稱各省佐貳官員有將庸鄙無用才力

不及生事擾民年老病廢隨即詳揭咨叅有案而又令按季詳報
 似屬重複應請刪除又據陞任廣東巡撫蘇 疏稱佐貳雜職各
 官告休斥逐俱專案詳咨又四季造報事屬重複應請刪除又據
 原任廣西巡撫李 疏稱佐貳以下官員如有庸鄙無能生事擾
 民年老病廢者俱係開明部選原非俟按季造報始行查考所有
 前項冊籍應停其造送等語 查在京酌歸簡易案內業將各省
 所報斥逐官員冊停其造送通行在案應毋庸再議
 據原任湖南巡撫范 疏稱每年通行查明有無長沙等處并雲
 南招民運米湖灘及陝捐河工捐馬等例捐納人員於歲底咨達
 今前項捐納人員久已停止每年歲底咨部應請刪除又據陞任
 廣東巡撫蘇 疏稱長沙等處雲南招民運米湖灘並陝捐河工

捐馬等例捐納各官在籍有無事故歲底造冊咨部查此項捐班
又停嗣後遇有事故統入貢監候選季報冊內造報等語查在
京酌歸簡易案內業將長沙等班捐納各員停其每歲造報通行
在案應毋庸再議至遇有事故統入貢監候選季報冊內造報之
處查未經截取進士等項以及捐納人員現將季報改爲年底彙
報此項人員遇有事故卽附於捐職人員內一體造報
據直隸總督方 咨稱官員初次到任及題陞調轉時俱有履歷
清冊送部不必每季冊報又據陞任山東巡撫楊 疏稱新任各
員年歲履歷及歷任陞遷到任事古委署接卸公出回任各日期
應按季造報其已經報部仍以季報案牘紛繁請季內已經報過
官員下季造報卽行扣除又據河南巡撫蔣 疏稱官員新任及

題調實授俱於到任時開明履歷申報又於季終將到任事故彙
造總冊咨部是四季已有冊籍至公出回署及委署接卸日期又
復按季造冊殊覺重複似應改爲每年造報兩次又據原護江西
巡撫王 疏稱大小各官現在新舊到任年歲履歷歷任陞遷到
任事故委署接印公出回任各日期按季造冊送部查江西知縣
以上各官到任年歲履歷俱係專文咨報又每月將佐雜教職等
官到任年歲履歷造冊報部所有按季造送各官年歲履歷署卸
各日期總冊應毋庸造送又疏稱按月彙報各官到任署卸委署
接印公出回任各日期造冊彙摺呈送考功司但翻閱揭帖莫如
清冊便捷請嗣後止造冊呈送所有揭帖應請免造又據陞任廣
東巡撫蘓 咨稱從前季冊繕造三本分送吏部吏科考功司今

遵簡易應彙爲一本咨送吏部查核等語 查在京酌歸簡易案內四季造報官員履歷冊改爲春秋二季造報通行在案各該督撫所請之處均毋庸再行置議

據陞任浙江巡撫覺羅雅 調任福建巡撫陳 疏稱失察賭博之員彙齊咨原以省案牘之繁但向例該管上司將所屬拿獲賭具之案於歲底彙冊報部分別議叙若所屬有一案失察不准議叙所有所屬失察之案事同一例似應亦于歲底彙齊咨咨遇有請叙之案彼此易於稽核等語 查官員失察賭博例應查明該員任內從前獲賭議叙級紀悉行銷去如失察之案延至經年始行咨參則一歲之中或有別案處分仍得以獲賭紀級抵銷是失察之員反多倖免之處所請失察賭博歲底彙齊咨之處毋庸議

據前任兩江總督鄂 咨稱封印日期遇有緊要公務原應鈐用空白有名無實更滋流弊應請停止等語 查封印後例不用印所有預印空白之處未便停止

據湖廣總督開 疏稱各官到任繳憑每季將各官到任有無違限造冊送部另將繳到文憑開造一冊同憑併送伏思紅限原係填註憑內自應查照繳到文憑核算有無違限事屬相連而冊送兩次無關稽核請將官員到任繳憑有無違限彙爲一冊等語 查各官到任繳憑有無違限之處事關揭參未便更張應仍令各該督撫將違限繳憑各造一冊依期分送部科互相稽核

據陞任山東巡撫楊 疏稱各部各館查取冊案不必責之州縣查一切冊案兩司無不有案嗣後皆由兩司核造呈院送部以免

州縣之煩等語。查在京酌歸簡易案內定議各部各館查取例案令直省督撫查係錢穀行藩司刑名行臬司糧驛鹽茶河工行各該道造送不許轉行府州縣通行在案無庸再議。

據陞任山東巡撫楊 疏稱監斃未經結案之犯仍照例查取管獄官職名詳奏凡題咨後奉有部覆案已完結人犯監斃悉照各省成例免開管獄官職名等語。查管獄官係專司獄務之責罪囚監斃無論已結未結管獄官均應照例議處現在各省畫一辦理並無監斃審結人犯管獄官免議之例應將所請之處毋庸議。據江南河道總督尹 疏稱會議事件以主稿衙門為主其會稿之後主稿衙門又抄錄全案知照會稿衙門事事皆有考核原不藉揭帖以爲查察除通政司都察院起居注科道及主稿衙門堂

司各揭仍照舊分送外其會稿部院以及稽察會稿之各衙門揭帖可不酌量從省之處聽候部議等語。查在京會議事件例有定限凡督撫具題之案有關涉各部院衙門者自應俱送揭帖預行查核至會議時方克依限完結卽稽察會稿之衙門亦必投送揭帖方得按限查察若酌量從省是使會稿衙門於會議之先無從預將原委核明至送會稿會議時限期已迫倉猝難辦公事亦多貽誤而稽察會稿衙門亦無憑查核必致違限應將所請之處無庸議。

據江蘇巡撫莊 疏稱失火處分在降級以上者仍逐案咨其止於罰俸者於年終彙冊造送請咨議處等語。查民間失火例按間數多寡分別議處併同城上司一併查議原使地方官視爲

有關於成上緊撲滅若失火例應罰俸之案待季終彙報恐日久因循不無遺漏匿報之弊應將所請之處毋庸議

據調任山西巡撫胡疏稱咨參事件向例咨送刑部轉移吏部查議又須照案咨明吏部但吏部既有刑咨似可毋庸備錄全案惟是議處事件藩臬司有加看轉詳者亦有核明不加看轉詳者請嗣後將加看轉詳之件只錄司看不必備錄全文其不加看轉詳之件仍錄全文等語查刑部咨送吏部議處有將原案一併移送者亦有祇摘錄看語移送者如督撫不將全案咨明吏部則議處時無從細加查核應將所請之處毋庸議

據陸任浙江巡撫覺羅雅疏稱咨參通解人犯中途脫逃愈差不慎職名查參後例得案緝毋庸扣限覆參似可彙齊按季造冊

咨部毋庸逐案單咨又咨參承緝姦拐人犯不力職名查參後例得案緝毋庸扣限覆參似可彙齊按季造冊咨部毋庸逐案單咨等語查通解軍流人犯既已脫逃自應即行參處且各省通解脫逃之案每季不過十數件或數件而止案件無多單咨原非繁瑣至承緝姦拐人犯例有定限一經逾限即應查參更不得按季彙咨致承緝各官玩視定限應將所請愈差不慎及承緝姦拐人犯按季彙咨之處毋庸議

戶部議駁條款

據江蘇巡撫莊疏稱民間完納條漕官給串票皆銀以釐毫米以合勺爲止其科算寶徵簿籍在官造冊自釐毫合勺以下銀則尚有絲忽微纖米則尚有抄撮圭粟等項字樣而合之法馬升斗

並無此數查核不符因之駁詰公事每多遲積應請嗣後查造全書每年奏銷仍照例開載零尾以備存核其餘駁款年限盤查交代一應冊籍併解支批領等項銀以毫字米以勺字爲止其他長尾虛數概行刪減又據調任安徽巡撫衛 疏稱丈量田地畝數卽由零尾科徵錢糧則釐毫絲忽之下有微纖沙塵埃渺漠逡巡演清頃史空虛緹縮米則合勺之下有抄撮圭粟粒顆穎黍稷糠粃禾等項字樣科算顏料等物以斤計者亦過有零星長尾而合之法馬戩秤秤斗並無此數如有錯訛卽不合大總往返駁詰徒多案牘之繁且州縣徵收銀糧小民完納銀米均係釐毫合勺而止其零尾虛數憑空開造更無關於

國計民生但算法所係未便皆去其籍應請嗣後查造全書每年奏銷仍照例開載零尾以備查核其餘駁款年限盤查交代一應冊籍並解支批領等項凡有零尾之數銀以毫爲止米以勺爲止他項虛數概與刪除如慮虧額不妨將尾數包作一毫一勺再查錢糧年限考成只計分數其未完不及一分者亦毋庸分晰釐毫絲忽之數等語 查州縣經收錢糧小民完納銀米皆按民間田地細數起課是以毫勺之下歷來循辦該撫旣稱仍照舊例開載尾零無庸置議其奏銷登答年限盤查併交代解支批領及未完分數等項所請銀米均以毫勺爲止尾數免其查造併稱如有錯訛卽往返駁詰等語 查在京酌歸簡易案內各省銀米各數毫釐顆粒稍有不符卽於本案內更正辦理毋庸駁詰在案是尾數稍有不符卽可更正毋庸議令刪除應令仍循舊例辦理

欽定四庫全書
欽定四庫全書
據江蘇巡撫莊疏稱各屬濱湖沉荒田地滄涸靡常應於每年冬仔行查勘如有陸增坍沒照例於奏銷案內附請題咨如無冊漲取具承勘無捏印結送司存案統於奏銷冊內造報咨部毋庸另造應蠲錢糧冊結題咨至山陽等八州縣開河築堤完廢田地歷年移行委勘取具並無涸復蠲款冊結存司此項田地既無涸復應一體於奏銷冊內造報毋庸再行取結咨送備委勘涸復仍於奏銷案內附請題咨又據調任安徽巡撫衛疏稱安徽省州縣衛所水沉田地每年冬涸之時委員結勘如無涸出取結詳咨數十年來並無涸出且開墾荒地不成坵段者永遠免報陸科已成片段者水田六年起科斷無委官往勘始行報陸之理則每年冬勘之例應請停止等語查在京酌歸簡易案內蕪省濱湖田地應照舊辦理

據湖廣總督開原任湖南巡撫范疏稱每年冬季預請估撥次年官兵俸餉自應將次年應行撥餉之正雜錢糧各款計入額實冊內隨同估支餉冊送部撥款以供餉用而地丁銀內應估餉用者惟起運解司一項銀兩已將額實造入冊內請撥乃每年將武施等府州及司總冊內存留驛站隨漕各款細數備造實屬繁重應請裁減等語查存留驛站隨漕各款細數仍應照舊造報所請裁減之處毋庸議

據漕運總督瑚疏稱各省漕船重運回空遇有火燎之事併失

風船隻已經沉溺不能岸救或岸救起水米有虧折并船身發漏米有潮濕者均應隨時咨報戶部倉場以便糧船到通查驗起交押願廳并照例分別議處至偶爾因風撞岸并闖灣擱淺以及陡遇狂風括損桅舵等項卽修整推活前進船身既無損傷糧米又未滲濕押願各員定例免其處分若凡重空遭風不論船隻有無損傷糧米曾否浸濕一遇淺擱或桅舵稍有損壞俱令逐案咨明似覺繁冗請嗣後空重溜船除一經失火應卽據報咨達外如因風淺擱船米果有損濕者亦應隨時咨部查核倘運并希免處分假捏情形具報經臣行查確實卽以規避咨叅其偶遇風暴淺擱折桅損舵等事旋卽修整推活開行船無損傷米無浸濕者領押地方各官具報漕臣查明確實存俟年底彙造事由總冊送部備

案毋庸逐案咨報等語 查各省重運回空漕船偶遭風火事故無論船米有無損傷俱令呈報開叅失防職名原係杜願運地方等官規避處分疎忽狗隱之弊今若船米無虧議以年底彙報恐啟願押地方假捏狗隱規避之端殊未妥協應仍照舊例遵行據四川總督黃 疏稱文武官會散兵餉後已將並無扣剋短發之處出結申送至奏銷時又飭取各營文武會散兵餉並無扣印結送部亦屬重複均請停止等語 查每年文武官會散兵餉後向例取具並無剋扣短發印結送部查核自應照舊辦理其奏銷時並未取有並無剋扣印結送部應毋庸議

據四川總督黃 疏稱五年一次編審州縣之戶口增除無不備載每年造報民數穀數各冊止應將戶口分別管收除在總數開

報毋庸再將戶口造冊等語 查編審五年一次其州縣之戶口
乃係五年內增除各數至每年造報民數穀數各冊乃係州縣一
年增除數目未便將每年民數冊內各州縣戶口刪除應令該督
照舊造報以憑查核

據江蘇巡撫莊 疏稱賑濟軍民貧生冊房查賑員役公費及留
養資送流民暨囚糧遞犯口糧等項在司均經取齊花名細冊核
明轉造簡冊報銷原難浮混請嗣後止取印保各結送部其各項
花名細冊止送督撫二院并藩司衙門查核無庸送部等語 查
賑濟軍民貧生查賑員役盤費資送流民向造花名清冊戶部按
名按日核算相符始准開銷至囚遞人犯每年多寡無定該撫造
報戶部戶部將原冊移咨刑部查明與該撫冊報相符戶部按冊

銷算花名清冊事所必需該撫所請無庸造送之處應毋庸議

一據江蘇巡撫莊 疏稱捐輸穀石乾隆十七年奉文彙入倉穀奏
銷冊內造報在案所有此項捐穀應統於倉穀奏銷冊內造報毋
庸專案造冊等語 查官捐穀石先經戶部於乾隆十七年議令
查照安徽省之例彙入常平倉穀一疏具題在案該撫所請官捐穀
石四柱冊籍停止專案造報之處毋庸再議

一據江蘇巡撫莊 疏稱司庫交代錢糧止核解支有據實貯無虧
照例造冊具結送部察核其動放錢糧原有奏銷及駁查案內造
冊登覆而工程亦有專案報銷嗣後應聽各案銷結交代毋庸重
復登覆等語 查布政司乃全省錢糧之總匯是以新舊接授照
例造冊具結送部原以察核解支有據實則無虧倘有不符行令

登覆該撫請將司庫交代毋庸登覆應停各案銷結之處毋庸議
仍循舊例辦理

據江蘇巡撫莊 疏稱各標營兵奏銷案內向造實支扣存二項
冊籍其應支細數已有實支冊可稽其扣存冊係按日扣收建曠
數目不過送部備查實支冊尾扣存總細原屬無關緊要是以京
口旗營向不造報總以經制餉額除實支俸餉外餘剩銀米卽屬
扣存建曠請嗣後扣存一冊毋庸造報等語 查蘇省各標兵馬
奏銷冊籍實支扣存例應造報查核之項應令該撫照舊造報所
請免造扣存之處毋庸議

據陸任山東巡撫楊 疏稱各省州縣積穀等事一案係將司道
府州縣衛所每年秋後捐完之穀按年先行造冊送司司中彙冊

報部仍於該年奏銷冊內詳請核題查此案捐穀既於每年奏銷
冊內聲明造報先行報捐之案似覺繁冗應請嗣後將各官捐穀
一案概入奏銷冊內報部毋庸單案先行請咨等語 查倉穀奏
銷案內新收開除各數向據該撫先行報明以憑查核其每年官
捐穀石自應預將報捐數目先行咨明以憑倉穀奏銷題報到日
核查且此案每年原止一次並非零星咨部之案應仍照舊例辦
理

據調任山西巡撫胡 疏稱地方被災例應委官查勘其被災頃
畝分数自當印官出結由委官加結具題至於造報蠲免錢糧冊
結在頃畝分数已經勘造之後原係地方官承辦之事既按糧科
則分晰開造出具印結由該管上司加結核轉稽查已無不周今

仍令委勘官加結往返迂迴每致遲滯徒滋稽延嗣後造報蠲免錢糧應停其委員加結止須被災地方官造冊出結由該管上司加結轉呈等語 查晉省地方偶遇偏災其蠲免錢糧散賑加賑例應按照委員勘明被災田地頃畝分數具題自應仍令委員加結今該撫請嗣後造報蠲免錢糧停其委員加結之處與例不符應循舊例辦理毋庸更易

據河南巡撫蔣 疏稱八旗漢軍情願在外省謀生者隨處聽其自便於年底造冊咨部奏

聞等因遵照在案應請嗣後俱於年底造報其按季冊報之處概行裁汰等語 查八旗漢軍人等隨便散處該撫請於年底造報其按季冊報概行裁汰之處恐散處人等往來靡定該地方官平時漫

無稽考至年底造報難免遺漏舛錯應將所請之處毋庸議

據原任湖南巡撫范 疏稱南糧項下每年彙造達部驢腳銀兩

奏銷支冊俱於道府州縣內分作八錢充餉二錢給解兩款原額

荒熟實徵各數開造但細釋民賦全書內總列驢腳水折一款額

徵除荒實徵銀數止於實徵內分以八錢充餉銀若干二錢給解

銀若干查錢糧款目原出於全書刊載且一款銀兩未便分作二

項造報應請以驢腳銀兩奏銷款冊嗣後照依全書開造等語

查南糧項下應徵驢腳銀兩戶部檢查賦役全書內原係分作八

錢充餉二錢給解役開載是以歷年奏冊內均照原款分別造報

應將所請於奏銷冊內刪除分別造報之處毋庸議

據陞任廣東巡撫蘓 疏稱各州縣報墾遷移水田稅畝及新生

沙坦墾荒蕪旱田稅畝各冊逐年彙案詳題查此項稅畝原分業戶土名稅畝科官名米數目一冊又列稅畝科則編徵銀兩簡明一冊殊屬重複今應將簡明一冊刪減科則編徵銀數併入總冊之內等語 查歷年報墾水田旱田細冊係將應科米石數目開造其編徵銀兩數目向係列入簡明冊內查核今若將簡明一冊刪減無從稽查殊非慎重錢糧之道應令該撫照舊辦理

據原任廣西巡撫李 疏稱粵西開採各礦每日採出砂斤煉獲銀鉛抽收稅課細數原令經管廠員按旬列單通報院司道府查核併責令該管道府不時留心查察如有抽多報少情弊即行揭報參追經管之員不敢稍有侵漏是以從前造報奏銷止將某廠自正月起至年底止煉獲銀鉛抽收稅課等項一年總數逐廠開

列明白然後彙造司總嗣接准部駁查造原獲細數遂將各廠煉獲抽收各數按日開列竊思廠員之有無侵隱全在各上司之查察維嚴不在奏銷之開造細數今一切文冊既酌歸簡便則粵西銀鉛等廠奏銷造報原獲細數徒繁案牘應請一體酌刪仍照從前止造一年總數併彙造司總送部查核等語 查一切奏銷必有細數然後合總今開採各礦每月採出砂斤煉獲銀鉛抽收稅課細數既未按月按季造報止於奏銷案內開造已屬簡便若概刪除則雖有總數仍無憑查對應令照舊辦理

據調任長蘆鹽政吉 疏稱永利等十場原額新增灶丁共徵銀六千三百四十九兩一錢五分零內於各州縣場歷年起科地畝原額新舊灶丁內一例扣減共銀三十四兩五錢五分零實徵丁

欽定四庫全書
銀六千三百一十四兩五錢零於雍正四年乾隆三年兩次奉文
攤入十場灶地及歷城等州縣民佃灶地項下徵收應止在於地
畝項下造報今每年鹽課奏銷冊內仍將此項灶丁銀數開列未
免繁冗應請一併裁歸簡易等語 查東省應徵灶丁銀兩雖於
雍正四年併乾隆三年兩次題准攤入各場灶地及民佃灶地項
下徵收但究屬鹽課額徵之項每年鹽課奏銷冊內自應仍行造
報未便裁歸簡易

兵部議駁條款

據江蘇巡撫莊 疏稱驛遞應付勘牌夫馬車輛等項向於驛站
奏銷案內按年造送兵部嗣奉兵部行令按月造送但月報冊須
與勘牌磨對而彙繳勘牌例於次年五月奏銷送部且既經月報

而奏銷仍須彙造似屬重複請仍循舊例彙造奏銷等語 查驛
遞應付夫馬車輛等項恐有濫支濫應之弊經兵部奏明按月造
冊送部查核若似次年彙繳勘牌時查核不無遲悞至驛站奏銷
彙冊送部又係核銷錢糧並非重複所請仍循舊例彙造奏銷之
處應毋庸議

據原任甘肅巡撫鄂 疏稱各州縣驛倒斃塘驛馬匹向係隨倒
隨報查倒馬自有額定分數亦係自行賠補應於年底彙報次年
照例造冊送司估撥等語 查驛站額設馬匹遇有倒斃例應隨
倒隨報庶曠銀不致侵冒而倒斃亦易稽查若以自行賠補遲至
年底彙報倘有不肖驛員不即買補曠缺銀兩從何稽查應將該
撫所請倒斃馬匹於年底彙報之處毋庸議

據漕運總督瑚 疏稱標轄營員委署卸事各日期隨時咨報請
改爲按季彙咨等語 查官員委署卸事各日期有關各項議處
併支食俸薪戶部移查起止日期必須隨時報部庶可查核應仍
舊咨報所請按季彙報之處毋庸議
刑部議駁條款

據原任廣西巡撫李 疏稱內結外結徒犯自 年滿遂爲無罪
之人聽其自回原籍卽內結之徒犯年滿例應釋放亦毋庸咨部
又據四川總督黃 疏稱徒犯年滿該管官竟將本犯逃回原籍
一面具報府司仍令按察使年底彙報督撫查考等語 除內結
徒犯年限旣滿業於在京酌歸簡易案內改爲年底彙報毋庸再
議外至徒犯年滿應令地方官詳明上司釋放其所請聽其自回

原籍之處查該犯旣犯徒罪平日之不安本分可知若不遞交原
籍地方官無以約束稽查所請限滿聽其自行回籍之處毋庸議
一據江蘇巡撫莊 調任安徽巡撫衛 疏稱緝拿脫逃兇犯無姓
名年貌住址卽觀面亦不能知彼此移咨通緝徒有空文應請停
止等語 查道路劫殺兇犯不知姓名者甚多若遽行停止緝拿
則殺人之犯竟致漏網所請停止查緝之處毋庸議

一據調任安徽巡撫衛 疏稱通緝人犯年代久遠計該犯已故或
遇有

恩赦其罪應邀免者概行聲請註銷以省案牘等語 查年分久遠之
犯旣未拿獲到案則年歲罪名俱未明確未便懸揣定議概行註
銷應將所請年分久遠該犯已故或遇

恩赦罪得邀免者概行聲請註銷之處毋庸議

一 據調任山西巡撫胡 疏稱雜項軍流贓証已明毫無疑竇應令
州縣解府州審定由府州加看詳司轉院咨部完結毋庸解司覆
審等語 查臬司為刑名總匯軍流解司轉院原所以慎重刑名
之意若軍流事關重大方解司審其餘概止解府而止設有冤濫
但朦混過府便永無昭雪之路所請軍流不必解司之處毋庸議
據河南巡撫蔣 疏稱各部院不必回文事件停止按季冊報等
語 查在京酌歸簡易案內改為年底彙報通行在案毋庸再議
據原任湖南巡撫范 疏稱秋審事件有一案內人犯二三四名
不等其中有已經正法或已病故尚有一名監候秋審造送年貌
與審題疏內俱將已正法已病故之人重複聲叙請嗣後在於冊

內照舊登答疏內不必復叙等語 查秋審案內其已經正法病
故之人俱與現在人犯案情相關若於秋審疏內概行刪除無以
核現犯情罪之輕重應仍照舊辦理

一 據原任廣西巡撫李 疏稱軍流人犯病故或親屬攜骸回籍向
皆逐案咨部又流犯及妻子在配病故係年底彙咨獨軍遣人犯
及妻子病故又逐案咨部辦理既不盡一請嗣後軍流遣犯病故
或妻子或親屬由配所攜骸回籍止咨明本省督撫毋庸逐案咨
部統於年底彙咨其軍遣人犯及妻子病故亦照流犯及妻子病
故之例統於年底彙咨無庸逐案咨部等語 查軍流遣犯病故
妻子親屬攜骸回籍併軍遣人犯及妻子病故統於年底彙咨經
刑部於酌歸簡易案內改為年底彙報通行在案毋庸再議

工部議駁條款

據四川總督黃 疏稱古昔陵寢鄉賢名宦祠墓地方官理宜加
意保護實力稽查應令新舊官交代時查明出結申送院司稽核
逐年咨部似可停止等語 查陵寢祠墓禮部業經遵奉
諭旨於每年年底據各該督撫送到防護無誤冊結併修葺陵墓祠宇
動用過存公銀兩數目繕摺奏

聞今該督所請停止逐年咨部之處既於所奉

諭旨不符且工部無憑彙奏所請防護冊結停止送部之處應毋庸議

都察院河南道議駁條款

一 據江蘇巡撫在 疏稱向例河南道稽查各省事件是以各省具
揭送查自乾隆十三年定例將稽查事件分隸各道其河南道止

辦河南一省併稽查吏部等處其餘各省事件併不稽查應除河
南一省外其江蘇各省所有

特交轉交及有關文武官員考覈仍揭河南道外其餘事件毋庸揭送
等語 查本案內議覆山西巡撫命盜案件止錄題看毋庸全本
揭帖在案其各省題案揭帖毋庸送河南道之處事屬更張成憲
應毋庸議

金日人酉島信長作矣

